

泰雲堂全集



泰雲堂詩集卷六

聽鐘集

散館引

見恭紀

一紙

天題下紫斐彤廷授簡席初分

堯咨尙做金隄漏禹貢親探玉牒文

試江漢朝宗于海賦宮餅分霑天上

月者乳茶月餅賜與試彩豪誰動日邊雲三年

教養深恩淡敢倚詞章當築助

鵝鷺分行侍玉墀綠籤鱗次引朝儀拜官地望如張李奏賦才

名忝牧之爾準名列一等第五史學一家成讓著王言四海比綸絲好道

泰雲堂詩集卷六

謨誥同風烈漫道常楊是我師

散館呈卷後丹貝勒以西羌職貢圖屬題走筆書二絕句

雲霄跌蕩玉門開蒙錦封駝入貢來羌笛聲中春色遠柳花飛

徧李陵臺

殿廷手寫謝齋圖立本曾傳畫作殊急就自慙成短什空餘墨

瀋在金盞

送侯鍵六得第南歸

羨君聽唱第蕊榜日暉暉籍未占青瑣身先謁紫微都門攀柳

別驛路看花歸及到高堂日萊衣是繡衣

歷歷旗亭跡當年逆旅同澄清逢攬轡羈官尙飄蓬此去難爲

別吾行亦欲東題詩休忘寄應遇北來鴻

落花和李申耆韻時申耆由庶吉士改知縣

金鎖



平叔



瑤臺移植未成旬不信司花別有神昨日峭風今日雨一分流
水二分塵鸞飄鳳泊知何處賸蕊疎香不當春自是枝高偏易
妬綠珠翻作墜樓人

節過百五雨霏霏紅瘦從知綠轉肥幡畫星辰空自惜香飄籬
潤更何依多情粉蝶枝頻繞欲別黃鸝語亦稀化作東風千點
淚漫天高下逐春飛

夢迴簾檻境模糊枉費當筵十斛珠獨立淒涼傾國淚三山縹
緲返魂符東皇雨露猶在北地燕支畫得無前度劉郎重到
日元都還認舊根株時方擬薦入國史館修天文志

聽雨

駛雨洗朝夢枕簟有餘清初喜跳死響側聽檐溜鳴遙思郊原
上蒼麥綠到城歡聲挾秀色藹然動柴荆嗟我久無田豐儉宜

泰雲堂詩集卷六

二

忘情胡爲尙沾沾望歲齊耕氓三輔股肱郡春牟重秋秔澤愆
殺三葉過時更尙成忽驚飯飭溢雨點破傳更開門起吟詩快
和聲鏗錚

題英樹琴師配石夫人畫太常仙螭圖

桂蝨縣絲蠶脫蛹陵鳥翻翻葉欲動倚風薄露忽已飛羽化由
來是仙種金塗粉傳雲母裁錦機銖帔凌空開天隨老人眼不
識驚眩疑自釣天來或言麻姑裙或言葛翁褰爭將仙繭誇羅
浮豈識太常神物舊不用青霞翦華首不用丹砂養句漏裝成
入道雙黃紈也似深衣宜老壽二號皆深黃色風花閱世三百年等閒
不許塵凡覩

先皇化澤遍翺蠕吳瑞竹宮曾進奏五明扇

天顏開宛宛雙飛傍絳繡一曲翔風舞未定百寶光華不能鬪

是時典樂誰后夔吾師先德推華胄攬暉五度到園莊綠野依然舊堂構全家見慣渾不猜至德從來俯闕觀生閣中春晝閑綵筆親從嫫史授丁香碎點分纖毫便恐穿花落衫袖虺乎虺乎爾死釋蟲無爾名六朝賦物遺爾形後來滕王元嬰秦友諒始寫春痕入屏幃大小海眼江夏斑終嫌瓌碎無奇觀豈如雙虺示靈異栩栩凌雲有仙氣家慶先占鳳子名史筆還書符瑞志我欲貯以白藤板飼以黃葵花使爾兩翅如輪車喚爾韓馮仙字爾漆園叟丹青神化天人手看爾文章傳不朽祇慚才少謝谿堂不敢詩成三百首

見窗上竹影感賦

絺衣小語夜涼生記得簾開欲四更一樣竹窗疎影月孤衾裏

夢聽秋聲

泰雲堂詩集卷六

曉起

幽人先鳥起園徑步周遭覓句知宵靜微生念物勞動衫飛爽入倚檻片雲高舊隱懷江國秋深仲蔚蒿

過座主朱文正公故居感賦

舊學

君恩眷老臣

賜園休沐液池濱塵封尙識經帷躅門靜空餘講樹春相業白麻真不忝史才青簡屬何人羊曇一別成千古重過西州淚滿巾

澄懷園題壁

過橋萬葉露飛香切漢高樓額近光四面夫容難覘路蓬萊真在水中央

蓮房微歛日華升。小立道涼水檻馮。雲氣時時成五色。隔牆一

角見

觚稜。

鬆几湘簾暑氣清。玲瓏窗戶碧紗明。
宮牆一霎高雲過。濃綠叢中聽雨聲。

近光樓

花外斜明飲澗霓。洩雲徐斂暮天低。迎秋樓閣涼於水。一雨披
蒲綠上隄。古道清潭喧馬浴。斜陽深樹沸蟬嘶。戒壇大有攜筇
興。且要晴乾一路泥。

新霽胡書農過訪飲近光樓玩月

近光樓高池四圍。有如巨海浮蓬萊。連宵駭浪風雨急。水仙獨
鼓成連哀。故人惠然已色喜。入懷更挾明蟾來。清光一洗逾皎
泰。雲堂詩集卷六

卷六

四

潔映簾穿樹如裘。裏與發腰魚那可。惜徑須解付。沾香醅蓮房
過頭。正堪剝惜無玉腕。傳金鬪馮蘭絕叫。試起舞。醉影亂落瓊
瑤臺。水光月色兩激射。濛濛濕綠濃成堆。蕩花吹香一百頃。但
有風露無纖埃。君不見李白當年號供奉。長安市樓三百盃。坡
公白首猶夜直。玉堂卧看燈花摧。邇來寂寞五百載。清景如斯
能幾回。米前窠後盡寥落。攀條官柳知誰栽。儒臣
恩許賜休沐。雄文題柱鐫蒼活。同作聚星門下士。君才白戰何
恢恢。詠歌明盛業。所職豪吟不厭相。喧脛朝
天明日值賀監。螭坳呼爾真仙才。

雨

簾幙瀟瀟掩。鑪香細細留。雨多偷度夏。涼早借支秋。河漢流疑
溢。江湖地欲浮。且欣斬笛滑。一覺爲身謀。

爲顧晴芬題諸日如雪竹障子

兩竿植立僵不搖一竿微亞濃垂梢一竿橫出勢道放彈空百尺如烏號想見枝頭鳥飛去千片糝落紛瓊瑤其餘瓌碎不可數攢根壓節欹山坳日如筆力晚尤勁力闌常蹊別開徑似嫌秋氣未蕭穆變幻青琅成玉瑩忽如夜騎白鳳飛湘水無聲九疑淨皚皚偏向晴晝看槭槭宛從風牖聽玉堂仙人清到骨三伏垂簾忘暑暵挂此生綃一頓寒奪却廣庭千尺月古華山北涇溪東此物爛賤如蒿蓬當時雙漿打水去清遊更有嵇阮同支錯掃雪聽然竹茶烟裊裊綠空濛九峯鱗甲畫不出終朝對面吟玉龍誰知一別落塵土空餘畫篋藏清風可憐筆底一寸綠無由插入繡屢中猶颺壓屋雪如掌更無響玉驚寒叢吁嗟無田歸亦得何事徒看郭家壁轉眼春風入故山幾日抽梢長

秦雲堂詩集卷六

五

數尺人生拂衣須勇決蒼苔未沒前行迹君不見此君本是歲寒姿一夜飛花青鬢白

八月十五夜對月

庭樹棲烏夜未安纖雲消盡月團圓金莖氣結三霄淨銀液光融萬戶寒巖桂香邊秋寂寂雁書迴後路漫漫誰家一箇臨風弄吹起鄉愁獨倚闌

擁衾

客枕睡常短醒聞街鼓過默參朝氣靜已接市聲譁流水車塵起觚稜殿月斜擁衾枯坐裏猶是感京華

明熹宗小鐵斧歌

熹宗之朝無事無太阿倒授貂璫徒可憐斧柯雖在手長不滿咫尺區區羅鉗古網徧東廠鑄此母乃刀鋸餘春坊欵識記天

啓瘦金鑿字旌其愚當時選侍初避殿九五當陽晝消晏經筵
罷講說命篇授書好讀梓人傳東園將作不中程執藝無煩百
工諫此斧彫鏐若有神衛攫般爲曰千變卻怪鳩材皇極成褒
功翻許刑餘擅茄花吐燄燒天紅妖狐滴乳明光宮此時有斧
斫不得枉誇削聖斤成風烏乎阿丑操兩鉞冤獄三甞痛刺骨
豈知有斧鋒更銛國本摧殘一朝折銀鑿北寺雲埋愁鍛鍊東
林日流血定知躍冶昆吾精不是高皇掖門鐵君不見宋祖玉
斧畫大河截地聲中燭影多英雄失枋尙如此當斷不斷奈爾
鐵斧何

送顧葵叔失解南還和顧晴芬韻

酒闌無語但相看衫袂生稜露作團黃菊風霜悲晚節素衣京
國怯先寒等身留得千秋業換骨何須九轉丹四十男兒猶壯

泰雲堂詩集卷六

志歸途嬰鏢據征鞍

莫信飛騰莫景斜鄉閭穩坐少游車浮程來往鴻賓跡薄宦經
營燕子家贈策賸余爲小草洗塵迎爾有梅花與公未忘天台
約何日真看賦裏霞

葵叔賦詩留別依韻答之

幾日留君欲折繻驅歌催唱重嗟吁文章憎命情無那知己論
心道不孤人與秋花同寂莫路隨歸思共盤紆癡兒了却公家
事卻向愚公笑買駒

五岳胸中鬱不平鷓鴣聲裏重行行誰將薤露調金奏獨愛松
風和玉笙白日西飛輪共逐青山南望眼先明故鄉猿鶴如相
憶寄語終尋息壤盟

書事仍用前韻

出關繫若競分繻蒿目相逢一歎吁鴻雁中洲秋斂薄江淮滿
眼地形孤金隄莫障陽侯勢玉節頻煩使者紆轉粟青天誰奏
續空聞禱祀飾黃駒

送潘春洲之官霍山

風沙幾日阻深談忽聽驅歌別意含烏哺
恩教移左近雁替力正困東南佇君考績三稱善憐我投書七
不堪還戀觚棱明月影清暉一路送征驂
放衙措笏動吟聲山色如屏繞縣城人似東方推吏隱地標南
岳稱詩茗茶經著錄風情在縠紙抄書宦况清瀹茗題牋誰與
和莫忘舊雨滯春明

煎茶

雲龍月兔碾雙環紗帽籠頭意思閑斜日映牕殘醉在松風一
泰雲堂詩集卷六

楊夢鄉山

定州紅玉拭羅巾芳晝迴廊竹火新當日文園消渴甚玉纖親
瀹碧蘿春

回首東風漲綠蘋軟紅眯眼望難真一甌自對春江碧不省門
前十丈塵

贈來諫議說盧仝北苑頭綱篆印紅便著黃衫得歸去何須更
啜密雲龍

立春前一日雪戲題簡孟裁晴芬禮耕

帝城物候逼冬殘濃雪欺春六九寒樹綴梅花初放蕊街飄柳
絮旋成團玉堂鈴靜清無侶粉署庭深入亦難何似一尊同過
我青絲細菜薦辛盤

雪後偕孟裁晴芬禮耕登江亭

我生何所好，偏好月與雪。冬來夜夜常，忍凍織織玉鈎看。到缺猶恨結璘飛，鸞疾不如滕六一來三日積，呼儕同載劉伶車。發興還攜阮孚屐，一官束縛何處遊。九陌駢闐苦無隙，西南高閣俯城頭。山翠去人纔數尺，便疑振翰出塵寰。此地原爲化人宅，斜陽一閃前林開。白龍天矯天際來，瑤鱗玉鬣忽墮地。驤首正壓金銀臺，臺邊鐘杵催歸去。一聲散落千林梅，來如鼓勇蔡州入。去似興盡山陰回，紆綵編帶尋歸轍。撤却城隅雙玉玦，知否今宵更絕奇。蟾魄新懸鬪清潔。

晴芬表兄以游江亭詩見示卽次其韻

崢嶸歲云晏，元冥將撤司。東皇鄣新暖，翦水煩馮夷。衝寒何所詣，借得白鳳騎。三子我素心，參立瓊林姿。相邀選幽勝，招搖過中遠。陸海苦闕咽，直上城南陲。旁觀訝倉卒，僮僕譏狂癡。子乃泰雲堂詩集卷六

小除夕

雪後餘寒掩綺疏，鴨爐風定裊烟初。不因爆竹喧鄰舍，忘却明朝是歲除。人海瓜廬粒粟藏，閑窗凍雀啄斜陽。宛然古華山中坐，只欠寒梅一段香。

穀日與李竹醉奕座王英司農公有詩依韻奉答

春晝晴雲卷碧翁，金溝清泚景差同。信知灞上原如戲，試賭宣城向此中。折屐未能忘喜慍，爛柯真可悟英雄。師門卽事無非

教用誠平居飽食終
得失何勞問塞翁
商山游戲事還同
相持半壁無遺策
一任南風急
局中經演青龍談
媿拙詩題白鶴句
爭雄從游許授河圖
學一語乘除括始終

魯孝子元曜詩

阿戎生孝嶠死孝兼者昌
化魯元曜至性鬱中遵恤他生死猶
多一計較元曜當年十九齡
母病藥禱百不靈人言剖股能愈
疾片肉功勝千參君事危出險期一濟
誠感神鬼相扶檔痼疾
明朝霍然起盛事爭傳魯孝子
州家申名表奇行秉筆誰歎削
閻史嗚呼引文牽義多齎儒忠孝
枉亦分賢愚豈識妄危係呼
吸深情一往無躊躇君不見古今庸夫
立身誤只爲臨歧有瞻顧

秦雲堂詩集卷六

送繼蓮龕觀察浙江

九

春風一綫黃流高淮孺張翅屯萬艘
東南財賦困輪輓帝重其選掄
詞曹除書五色曜名字陽春一夜迴
江皋君才凜如切玉刀發硯新試明
鵝膏豈知大雅有妙用不以苛細矜
吹毛太倉升斗靖鼠竊四野丁壯蘇
鴻磬但看送梅雪浪靜敢厭轉粟青
天勞此邦利病況熟諗棠陰少日曾
遊遨閑尋往躅過僧寺題句已著紗籠
嵌得君相慶爭祭較祇我贈別憐同袍
神交一載已投漆心期片語如飲醪
無端一去太倉卒有約明歲猶鬱陶
到官知我憶君處一日兩度娥江濤

早朝

月沈宮樹鬱蒼蒼
龍尾峯裏接曙光
封事盡歸門下省
趨朝先引殿中郎
行依玉陛聞

天語立近金鑪惹御香更
勅樞臣教獨對五雲深處漏聲長

高樓

市囂斷處接平蕪突起高樓插漢孤未改酣歌名士態何妨醉
卧酒家壚炊烟塵海千重蠶落日晴雲萬變圖飲罷此身無著
處欲將天地作蘧廬

雨中偕鄧嶰筠徐星伯飲陳小孟寓齋

晚雲蒸溽暑驟雨響棚背恍如纜孤舟偃篷傍村埭興酣飭行
廚家醞薦鯁菜新涼入杯筓清若吸沆瀣黃埃拂纓裾輕出吾
每悔清談洗衿抱素心賴吾輩況此不贊酌快與飛雨對深泥
沒歸輪詎足阻勝概更約西郭遊晨沐看新黛

佩韋篇示荻初弟

秦雲堂詩集卷六

十一

佩絃戒其緩佩韋戒其疾讀書貴繕性變化在氣質吾弟古猷
者秉志確不拔直道豈不尊未可失疏闊嫉惡已太甚播過或
強聒有類長孺褊未悟蒙叟達安知學道者尚誠淵魚察子房
晚尋師博浪悔輕率淮陰出胯下小辱非所屑古來豪傑士濟
險固有術剛以摧者齒柔以存者舌老氏有遺言弱志強其骨
雨中小病柬胡書農陳小孟徐星伯時三人同直禁中

文書堆案苦相仍杜老狂來思踏水乍喜三霄飛雨集頓消千
里火雲蒸藥鑪烟晨朝欹枕禁鼓聲沈晚上燈後夜新晴愁負
約金坡同看月華澄

奉

命輯全唐文赴西苑萬善殿繕閣釋典

誰來天上遡銀流一葉凌虛太乙舟蓮海逕從香界渡蓬山不

是世間秋旃檀縹緲行邊惹樓閣溟濛望裏淨每悵三神波浪
隔乘查真箇到瀛洲

石關幾曲枕湖光獨立松陰一益涼長日但聞鐘磬響四圍全
繞芰荷香不持戒偈心先淨更展楞嚴世已忘俛首風烟看下
界紅塵擾擾限飛梁

鷺鷥飛到澹湖烟吹袂荷風意灑然退直原名小自在縉經更
印大乘禪三車解脫真無礙初地登臨已勝仙留我惜無缸面
酒徒從文字證唐賢

法時帆學士招遊悅公禪房卽用學士原韻

瀛仙憐我詩情少招我看花須及早淨土穿雲莎逕深經壇枕
水松幢老偶尋幽勝洗塵俗似借清涼除熱惱飛橋落棘跨遠
灣小艇如鷗掠芳草眼識支公古尊宿手縛松枝自灑掃珠毛

泰雲堂詩集卷六

十一

頂相現摩尼塵鬢容顏媿蓬葆縉經儻許攜瓶來說法從知入
門了樊縛終慙滄海禽依願學迦陵鳥回首蓉湖十里明落
盡紅香素波嫋初心已負老樵漁晚計何妨雜屠保當歌但唱
還鄉樂浪跡漫言隨處好倒冠落珮勿獻嘲布韞青鞋事幽討
雲壑休言聳叟遲杞菊猶堪散人飽

六月二十日夜雨

少昊從西來欲奪祝融節先驅遣阿香靡壘夜成列陰陽氣相
搏捷若駭機發壞雲戰昆陽萬弩射窗闌岌岌杜陵屋破柱漏
如決呼燈起相照倉卒理衣褐牆頭魯公書釵脚正狼藉屏息
數更鼓綆霄不可絕今春幸暘和民暫飽糠覈豐歉事非細秋
成現六月北諺云收不收頗聞通惠河折浪金隄裂糧艘阻析
津天庾待充額浩如海波中坐念寸心熱安能喚長風軍聲助

吹律橫空掃氛翳西山青突兀

寄侯貞友兼簡哲兄曇華

獻策聲名萬口傳依然歸去賸寒氈五湖烟月留張翰三絕風
流老鄭虔驛路梅花通信息空山桂樹鬱連蜷心情近日知逾
嬾無限相思一短牋

絲竹中年感鬢華雪泥蹤迹總天涯相逢薊北如飄梗一別江
南又落花定識對牀同聽雨應憐獨客苦思家寄聲更訊東坡
老莫笑詩成字若雅

冷豔

獨攀疏影立蒼苔庭際秋風昨夜來冷豔知無諸俗韻一枝牆
角背人開

花朝前一日過太液池賦寄故鄉知己

泰雲堂詩集卷六

三

玉鏡初消漾一灣東風先向

上林還夕陽樓閣搖溶裏春意蘋蕪縹緲間拍岸欲欺衫綬綠
倚闌愁照鬢絲斑烟波回首江南路花事何年許共攀

花朝偕戴金溪王孟裁胡書農陳範川陳稽亭徐星伯同

集顧晴芬寓齋

薄暄輕霽趁花朝曉度城闌未厭遙小白繁紅猶寂莫銀尊綠
醕自招邀鄉心無那聞歸雁逸興誰能惜解貂吳語越吟勞贈
答樵風何日共迴潮

畫破消寒九九過莫教芳節更蹉跎花來北地如遷客愁滿東
風待放歌人笑竿魚休沐少春鬢石燕雨風多丁甯百五旗亭
約新柳天橋萬綠搓

清明日出遊感賦

一城塵土無花枝已過寒食春不知香車一隊花照眼春向遊
人鬢邊見斑斑小雨不作泥天橋看柳綠未齊烏銜紙錢飛上
樹上冢年光射湖路射湖桃花冷笑人客中無緒翻尋春歸齋
卷却蘭亭帖爲仿羲之誓墓文

陳範川以碧筒杯飲客爲作長句

陳君才地今謫仙躡空鎖骨凌紫烟朝來相逢在何許手把夫
容朝絳天花根秋葉大於席知自太乙天邊船解魚換酒出新
意折柬招客開長筵金杯玉笋厭凡俗舌底一一生青蓮滿空
風露貯我腹吐語豔奪花枝妍憶昔曾過太湖曲紅素卅里鋪
如田扁舟散髮弄秋水醉來逕向花中眠不知香氣入肺腑祇
覺毛孔餘芳鮮豈知一別墮塵土舊遊有路尋無緣人生泡電
貴適意奚必用後黃金懸六街赤日烈如火黃埃車馬方喧闐

泰雲堂詩集卷六

三

閉門轟飲自酬酢若較此輩宵非賢樂丞良醞性所戀古來達
士誰不然可憐太白一仙去世無此樂三千年但使當筵高興
發那屑明日狂名傳浩歌喚起太古月清影正落衣衫邊玉螭
橋頭十萬葉期君爛醉新秋前

片雲

閣迴片雲度馮窗客思舒傍荷知雨細映柳覺風疎世事鑪香
外詩情茗椀初不知暴益者觸熱意何如

和書農七夕感懷韻

洩雲初斂碧空遙一箇飛愁破沈寥烏誰曉填銀漢路夫容秋
冷玉河橋闌干有客成孤坐瓜果誰家設此宵近日心情太蕭
寂却逢佳節倍魂消
咫尺紅牆望詎遙橫查覲路竟寥寥卽看風浪曾無地不信虹

霓肯化橋。駭女癡牛何限恨。金風玉露可憐宵。莫言此會尋常事。歲月能禁幾度消。
江關雁底路迢迢。綫樹鍼樓總寂寥。曠袴貧來猶有宅。賃春歸去更無橋。烏篷載酒知何日。絳燭修書共此宵。翹首步欄閑倚杖。英雄髀肉幾曾消。

和書農禁中夕雨韻

觚稜一角尚斜陽。雅背翻空送夕光。急雨擲煙堆濕翠。迴風催葉墮新黃。楸軒地迴嚴宮鑰。鐘漏聲沈限苑牆。誰似哦詩天上客。草秋消受玉堂涼。

得小孟詩却寄

尺素傳來劇可悲。側身天地更何之。那堪弔屈投書日。正是依劉作客時。跋浪蛟龍爭欲得。聞車覆於水揀枝烏鵲不辭卑。莫矜持泰雲堂詩集卷六

論懸河似此口。除非飲酒宜。

詞林典故

熙朝文治紀雲龍。三館崇儒

澤更濃。東觀闕書班禁密。西清侍

講語從容。螭蚰地近更番直。齋局天開第一峯。載筆藝林誇未

有鋪張

鴻烈慶遭逢

駮書筆志漫前陳。照世鴻編汗簡新。一代制卑唐六典。羣仙籍

祕海三神

璧奎騰彩文成訓

雲漢爲章壽作人。詞筆常楊安足羨。六經奧旨在絲綸。

瀛洲親侍

六龍迴

華蓋光臨冊府開

繩

武神謨徵契合

敷文天藻麗昭回。漫誇膾向蓬池斫。陋說麟從內苑來。一德

君臣勤日贊。賡歌拜手祝臺萊。

茗椀初頒綠雪香。乘時行慶叶青陽。錦茵侍宴聯鷓鷯。玉札賡
吟冠縹緗。蓬島槐廳榮職志。柯亭劉井益暉光。微臣忝綴清班
後。獻頌齊擎萬歲觴。

題王蓬仙湖山草堂圖

傳家綵筆憶蓬仙。楚月湘雲畫遠天。祇竟空齋留絕筆。扁舟歸
去是同年。

秦雲堂詩集卷六

五

我有湖邊舊草堂。龍峯九疊錦屏張。幾年拋却不歸去。落盡夫
容秋水涼。

微茫漁火起汀前。汀外青山欲化烟。彷彿鹿門歸隱日。鐘聲飄
過渡江船。

涼篷

鄣空火繖任高懸。影落罍盃混綺綺。錢斲簾光陰。宜永晝齊紈身
世共流年。排風不逐重笏卷。聽雨疑從小艇眠。最是晨光低罨
處。綠紗窗戶總如烟。

相逢露坐杜陵家。已勝松毛翠密遮。恰愛一方涼月正。難窺半
壁夕陽斜。臨街白板逢觀社。傍驛青旗記賣茶。四匝清陰終遜
此。却將風物感京華。

長椿寺九蓮菩薩像

妙鬢雲覆瓊瑤長滿月相現天人裝山河已墮寶鼎陷丹青尙
付琳宮藏大士當時避蓮座銅益深秋花九朶畫成更勅青瑤
鑄賜出爭看黃帕裹城西古寺溯長椿莊嚴頂像瞻金輪奈香
贖有老僧熬麥飯曾無阿監存創例徽稱尊兩聖卷簾不肯干
朝政內官大伴馮老奴外廷首輔張居正孝思傳聞說九重四
齊近侍玉熙宮脫簪猶復申嚴訓西苑新歌宴未終早朝排輦
籤聲裏作帝何煩定須爾奪嫡誰爲趙隱王定儲汝亦都人子
一疏驚詢侍膳時潞王就國福王遲空留玉合金緘字不博黃
臺寶慶詞薦福深宮修淨業承平物力供畚鍤紫琳雲構補陀
巖塗金日湧僧伽塔軍興豈意困輸將帳語神君自禱禳助餉
先徵武清伯册封終惜悼靈王玉河橋外蓮心苦零落天香委
秋露手蹟終憑佛力深黃花尙識菩提樹展禮熏香拂蠶蟬流
秦雲堂詩集卷六

六

傳異代人猶欽重裝認所題詩客老輩唯聞蔣翰林

喜包山兄至都有作并寄菊才兄

早辦遊燕約經時問轉稀始愁川路闊久怪尺書非喜劇逢言
笑驚持認瘦肥忽經三載別情話自依依

十度京華任搏沙在事空涼秋仍邸舍燈火共簾櫳歲月鷹摺
裏功名蠟戰中那堪宵夢醒初聽響歸鴻

仕宦吾兄拙生涯劇可憐挈家行萬里受代只經年去有沈香
浦歸無種秫田惟應共遊釣結屋舊溪邊

八月初五日大風雨

秋半暑猶盛陰陽氣相搏雷霆助聲勢入夜風雨作屋瓦紛已
飛窗櫺震欲落按隙走電光排闥捎雨脚神魂隨飛揚終宵睡
難著平明掃氣翳氣候已蕭索中庭洗手花吟秋興所托稍高

已丁倒卧淖如刈穫短者尙離立幸未逐秋瘳弱植競高標不
識根已薄盛衰悟物理詘伸比龍螭

秋燕

白社壇前桑柘稀西風塵滿舊烏衣小樓簾幕寒初入絕塞關
山客欲歸逝水年華春已遠傍人門戶計原非營巢辛苦成何
事地至恩深未忍違

倦羽頻驚弱彈危別離誰爲繫紅絲差池肯忘天涯信遲莫終
尋海上期寄語昭陽休更妬浮蹤長信不多時珠簾盡卷秋堂
冷獨倚雕闌有所思

零落香泥浣畫梁商量費盡語言長夢迴故國餘衰草魂斷高
樓但夕陽北客應憐同逆旅南鴻未許共行藏平生漫詡封侯
相不及來賓有稻粱

秦雲堂詩集卷六

陳小孟移居詩

七

東野昔移居家具少於車陳君性豪達而豈詩囚如胡爲朝驅
一薄笨穀殼僅載百本書昨宵吟詩不成句打門坐索官房租
寄人籬下亦何屑一枝暫借鷓鴣餘連晨僵卧不出戶書券買
却轅間驢北風掀屋裂窗紙中人銳於金僕姑酸寒何似楊朴
詠便合寫作通老圖豈知胸次方浩浩若對隄塞嗟非夫途窮
不效阮籍哭醉呼明月同遠廬秋風自破杜陵屋萬間廣廈胸
中儲男兒立身有本末較量弱達真錙銖城南高樓插漢孤定
磁花盞紅玉膚如灑之酒傾醍醐一酌氣已振再酌語欲羈窮
愁萬古入洗滌陽春一氣來歌呼君不見樓前坦坦橫九衢三
省入直方晨趨豈知樓頭有客一醉連朝睡夢幻功名有時有
醉鄉日月無時無人生龍鍾佩兩綬何似少年醉倒喚取花枝

扶

除夕寄曲江亦三兩弟

饒歲流光赴壑道。尚聽銀漏數更籌。紅花影裏孤坐。爆竹聲
邊。溯客愁。後鶴移文猶有怨。鵲鳴喚定相求。何時參佐三閭
廟。共引屠蘇醉一甌。

金蓮花

金蓮花乃在華嚴谷口瞿曇家原是當年布金地。法雨一洗生
萌芽。七瓣平攢蠟成帶。重臺細疊檀作茄。四照色開十地淨。六
月香散三天誇。翠葉生稜子如米。不與金粟同根。越金蓮花生
得地。不向圖澄呪鉢中。不入延昌殿門裏。帝釋臺邊自托根。維
摩室裏初含蕊。聲聞應參黃蘗師。色身已悟金剛體。稟氣自金
方開。花自金界一燈金。昔傳干塔金錢挂一莖。草現丈六身無
秦雲堂詩集卷六

六

敷華雲出三昧。浮波刻漏轉銅輪。同應六時宣梵唄。金蓮花向

薰風開當年

聖祖西巡來藉

輦千層色柔蘿迎

曦十采光。袞裳盤中瀉露日華轉。壺邊灑墨

天章催傾葵自願移

上苑偃草詎敢殊。凡材今

聖初巡。值三月寶相。千花照林樾。香影方承

黃屋來靈蔕已傍

金根發青蓮。座白蓮社人天同喜

翠華臨一偈。慈航呈般若。若不向華峯玉井。攀何煩太乙星精下

金蓮花師利種。雙炬傳聞學士歸。一枝自作梵仙供。照徹榮光

大地明小臣願進金天頌

天花

文殊師利開道場續紛自雨天天花香天花著處復生蒂一夜蒸
出神芝光膩理初如竹筍白蠟面或似松菌黃鳴齒瓊枝脆勝
玉堆盤瑤草清含霜萼羹摘露及初薦作腊戾風堪久藏誠齋
食單但取小釘筮勝繖徒評量豈知仙品大如斗如雞生楮鷺
生桑牧兒一縑喜相易詩客百箸欣初嘗銀盤菇亦號佳品猴
頭地菜非雁行伊蒲蔬饌誇第一法筵齋鉢那可忘鎮澄作歌
苦搜索裏糧笑殺山僧忙清時罷役繁德產作貢未許充

天間

西巡羽葆照崖谷琪花吉卉爭芬芳靈風惠露一披拂負苞挺

秀生中堂山靈迓

秦雲堂詩集卷六

十九

蹕獻奇瑞青雲如益供

齋房翠滋歲老含絳色九疊製作屏風張非烟五色騰藻思小
物何幸邀

宸章紫荆法牒記柯古金鏤軼事傳思莊白毫光現千佛相閣
門蒼宿徵壽康未如茲花在淨土特爲

聖世昭殊祥覆釜曾爲摩詰飯承筐喜進

瑤池觴

玉食方今詫遭遇特志佛卉傳清涼

題瑛夢禪畫石

一堆蒼烟誰所搏夢禪遺蹟人爭看珠窩流泣玉質潤墨瀋至
今凝未乾寶氣初驚箕尾插庚理細認犀株攢華峯自挺天母
秀仇池未詫神工刻想見波濤太湖底萬古洗此青琅玕馮夷

捧出不敢惜何年三犢移田盤母乃宣和舊采取良岳一角餘
峯網船枉用費膏血甲乙多事煩題刊劫灰飛盡隕星在興
亡閱世如驚濤只宜孤傍到公躅吟肩冷倚相盤桓尙爾幽齋
怪事發秋風一夜生羽翰翻疑筆墨覩天巧神物避去非無端
我聞晉卿愛蛾綠以畫易石情猶難海嶽研山不可見流傳圖
亦非舊觀匡廬賸喜真面在窈翠浮動開霜紉長吟諦視意恍
惚題字欲別蒼苔瘢

送陳虹江觀察開歸

陳君古猥著節操挺百尺旁觀望望去跛羊避高壁坦率獨容
我每至迎倒烏論交十七年吐語見肝鬲憶自歐陽門初識因
獻策但訝工文詞未省富經畫握蘭入粉署水部號繁劇案牘
紛亂絲誰能導絡脈君如霹靂手下筆精考覈黃河九萬里曲
秦雲堂詩集卷六

折貯胸臆獨與別支流未許漏涓滴聲名動

天子銓注破常格遂

命行河隄隼旗列高戟胡爲朝過我詞意慘不憚固知憂民深
況當感

恩極豈似尋常人遷擢喜動色又謂聞人言內外理勢隔未宜
文舉疏最忌柳下直豚蹄媿所操章甫違所適詎爲求養交深
恐孤報國我知君過計此義吾久析君守似長孺卧治足稱職
君才似劉晏操權起彫瘠邇聞大河南九旱千里赤相期作霖
雨隨車沛膏澤催行唱驅駒澄清在憑軾政成待它時此語定
不食暇作嵩山詩寄我當報績

賀奎芝圃館選

詔書飛下五雲邊史職真如世職延呈卷獨聞

天語獎受知端在衆才先立班共指無雙士同館爭誇最少年
數遍金張兼許史問誰三世列瀛仙

家慶駢填數未輝更看喜氣滿門闌寶窗塔向同年選繡褵丁
添大母歡莫道世官傳業易可知早貴讀書難頌君不敢忘規
語兩世身經到杏壇

題畫桂花爲觀竹樓賦

似向銀青殿裏移金麩翠羽正離離吳剛著手分明處認取東
堂第一枝

夢裏曾看帖月飛月中名姓認依稀却從沈水濃熏底偷譜霓
裳幾疊歸

露氣流空洗碧虛天香萬斛染衣裾蔚宗枉自誇方劑雞舌龍
涎總不如

泰雲堂詩集卷六

雨後圓明園道中

急雨衝簷響昨宵朝霞已覺嫩涼銷林光淨浣禽聲喜草色平
鋪馬意驕皂帽隨身行欲去青山有意似相招且欣十里郊原
路減却狂塵撲馬鏹

爲陳伯恭題戴文端師臨爭坐帖冊子

筆法真從玉枕尋十番遺墨認懸鍼須知色正芒寒處總是平
生筆諫心

一生忠悃

九重知身後

恩榮逮者誰告勅空留巨川例媿無腕力寫豐碑

玉版高齋得更披千秋挂劍感心期郁伊雙淚臨風灑回憶傳
衣夜半時

登樓

秋來知幾日。但訝詩思清。今朝北樓上。青霄瞰崢嶸。西山翠如拭。爽氣橫眉衡。抗手一相招。闖然入軒楹。日晶雲樓薄。風入衣衫輕。冷然欲仙舉。乘雲遺世情。斜陽挂高柳。暮蟬咽殘聲。情無同心友。玉筍相對傾。躊躇戀餘景。迴軫催歸程。市聲方浩浩。塵沙復冥冥。秋光渺何處。蒼然隔城堦。明晨逝相覓。攜酒青郊行。得晴芬書却寄。

雪涕難爲別。麻衣忽此行。塵沙昏晝路。魑魅趁宵程。亢旱連齊豫。艱難愧友生。傳聞疑不定。書到倍心驚。

山郵初出險。水國復增愁。蠃穴長隄潰。蛟渦小艇浮。間關攜八口。辛苦達三秋。何意歸鄉日。松門照淚流。

出郭望見西山作

秦雲堂詩集卷六

五

西風昨夜入。青林近郭新。寒急暮礮多。病漸疏經世。好山如見著。書心棲遲客。任嘲吳語樵。悴誰能禁越。吟回首臨江。餘舊宅蕭寥。斜照澹秋陰。

秋懷

霜氣淒淒景物清。高樓憑眺客心驚。呼鷹風迴連西極。射虎雲寒隱北平。萬騎嘶空秋出塞。千旂拂地曉移營。侍臣誰奏長楊賦。豹尾虛傳諫獵名。

又是寒衣欲浣時。梁間燕子有歸期。四愁已識張衡意。九辨深知宋玉悲。沙苑地荒騏驎老。羽陵書古鱸魚飢。西風落日蟬嘶急。尙戀殘楊抱一枝。

沈寥秋遠望中天。萬里關山落照懸。磔磔怪鷗啼野戍。濛濛飢雁下蕪田。塵沙旱氣連齊豫。艫軸河聲走薊燕。守土誰修龔遂

法預籌牛種待明年
薪槌徒聞瓠子吟
回頭江介最關心
蛟龍起陸波濤壯
魚鼈浮空日月陰
蠟穴浪傳金可塞
虹隄竟與玉俱沈
故園松菊無消息
腸斷南鴻雲外音

題煦齋司農座王臨獨孤蘭亭松雪翁十三跋時原本已燬於火

筆蹟康斯欲斂真山陰風日一番新
非因化去關神物爲是吳興有替人

臨池袁浦借公閒
摹本仍隨使節還
也似神龍與定武
流傳兩本在人寰

秋日陪英煦齋座王遊戒壇寺

戒壇國西門路弱三十里
紅塵競輪蹄足音不到此
夫子具勝

秦雲堂詩集卷六

三

情秋原試鞭筆入山初
嶒嶺嶺嶺慘如燬
穹谷聞了了
樵鑿日萬指
豈惟草木童
遂恐竭山

道山爲開煤人所鑿
徑劣甚

徑轉峯忽佳樹

色爛如綺陽光一以耀
向背亂紅紫
經幢表招提
金碧涌其裏
秋色正瀟灑
入門散花薺
始知山氣深
物候變尺咫
松身走蜿蜒
搖動隨所使
無乃乖龍蟠
佛力伏倜詭
霜鐘殷晴空
暮色促歸興
回首戀烟霏
轉惜馬蹄駛
潭柘隔西山
紆轡僅移晷
抗手別塵寰
吾遊從此始

重陽後甚寒曉起有微雪感而賦此

小別江鄉謾五年
每驚寒到薊門先
卽經雪虐風饕候
纔是橙黃橘綠天
不解迎潮魚北上
最憐逐日雁南遷
相期曝背茆檐底
坐對青山晚更妍

題禮烈親王駁箭圖

白羽森森開素練云是烈王腰下箭心知是畫荷膽寒何況沙
場眼親見沙場餓鴟叫鳴鏑鏃鋒所嚮無堅敵敵人未識六鈞
弓魂墜晴霄飛霹靂當時弧矢威八荒賢王赤手扶天闔薩爾
游戰如昆陽四十萬衆走且僵掣電橫馳克勒馬蹴踔明騎如
排牆入關三發歌壯士定鼎一鼓摧天狼廓清海寓仗神物肯
射草間兔與獐功成麟閣銘殊績垂竹東房存手澤狼牙鴨觜
不可得獨此流傳有深識我聞唐代傳榆磬王皮禮射尊周膠
卽今金革永不試楷矢枉自隨包荊文孫七葉慎世守寓意已
比彤弓昭

題英煦齋師薩克達夫人摹南田山水

昔觀仲姬修竹圖魏公手綴修竹賦管道昇畫修竹圖趙魏公書修竹賦於後今藏家宰

師家一家翰墨映千春寶氣雙暉比連璐藏松室中一瓣香

泰雲堂詩集卷六

奪真有似王與羊鏡臺却斂茂漪手尺幅別擅桃溪長宣和畫譜宗婦

曹夫人寫柳岸鷗波金研餘瀋夫人得管仲姬鬢髮夢中已授

邱遲錦開綠景物似吳興霽水洮洮雲淪淪吾鄉妙手草衣生

一代南宗獨擅能後來更有吹雲筆莫把傳家說憚水

小閣

送客殘棋在冥搜散帙橫天遙遲暝色窗小納秋聲身外更何

事憂來空復情洗心聊晏坐蒲褐掩孤檠

冬日過孟裁小飲

塵狂風漲海雲駁日銜山不有閉關酌那消短晷開茶羹傳舊

俗桑落破愁顏醉裏仍鄉思梅花約夢還

早春江亭餞齊梅麓時梅麓選金匱令

出郭春尚淺空亭引退矚白雲斂輕陰初陽澹林木佳客紆勝

餞展席俯平陸稚柳拂行旌祭軌柳軸帝心念嘉師典城選
循牧遂令金闕彥去去理文牘小邑江之濱荒田下飢鶩并稅
輸神倉生計亦云促瘡痕賴拊循農桑起頽俗敢憑小雅義勞
止告僚僕愛君不敢留梓鄉望車轡東風送君行渡江芳草綠

遣懷

曉寒催賦行波賤短夢驚迴閨闔天次道何心圖作佛班生揮
手竟登仙宵冥海水孤彈裏變幻雲衣一笑前寂莫鬢絲禪榻
畔吟成惆悵杜樊川

一番韶光一番新風風雨兩度芳辰領來桑落頻中酒開到茶
蘩最惜春與我周旋宵作我看人少壯不如人故山猿鶴多相
怨明月空生蕙帳塵

幾年羈宦類飄蓬篋裏陰符策未工苦爲低昂分燕雀可憐得
秦雲堂詩集卷六

失鬪雞蟲揶揄路鬼詞相戲災難神仙劫已空拊馬軟紅塵上
裏消磨髀肉感英雄

玉溝楊柳萬絲斜候燕來時客憶家文起終當還北郭溫岐早
悔讀南華移書好約東林社排日閑尋杜曲花但是逢場須作

達滿斟綠醕按紅牙是日觀劇

小圃一首示書農小孟

信風取次到將離九十韶華去若馳閑檢莊生齊物論醉吟白
傅遣懷詩西鄰綠穉驚雷長小圃黃楊厄閨遲一笑榮枯何足
計繇來物理有參差

短歌行

巨樹雀聲喜莫林雀聲愁巨莫變鳴聲歲月驚颺流前日去無
跡後日來不留少壯曾幾時清霜上人頭虎豹屯九閭富貴不

可求白雲渺無所何處尋丹邱庭前天桃樹花開爛盈眸一壺
逕獨醉萬事良悠悠九衢下嚴鑰蓮漏催銀蚪笑爾夜行者役
役何時休

酒舍

流澌初下玉河灣酒舍青旗破客顏漠漠樺春暖裏濛濛新
柳有無閒韶華已遣鶯催到愁思仍教雁帶還倚醉詩成斜畫
壁遠山窺戶當雙鬢

寄劉夫初時客金陵

青門開祖帳解綬羨君還短棹仍爲客長貧未破顏春光江上
水歸思秣陵山已慰高堂望書來幾日閒

題陳鍾溪少宰書畫圖

先生銜

秦雲堂詩集

卷六

三

命皇華趨文星夜照常羊墟一時才士領手俱闌索一一如吹
竽彈冠扣門來于于費非束帛非艇胸蟬穿衰朽充苞苴發緘
匿笑司閹奴我聞贈遺通有無視家所寡問所需先生早坐第
七車三篋手補河東書殘編落簡徒區區豈厭芻豢思筍蒲先
生見之爲軒渠束書招客趨坐隅我知雅意良不誣珊瑚一挈
無遺珠瓌杯拂拭瑾與瑜陳之玉堂貢天樞世間何物寶可逾
尋常珠玉真錙銖纒襲安敢汗籤厨先生退食西日晡筍啓玳
瑁抽珊瑚含英咀華味道腴發揮事業敷皇謨薰香摘豔供佃
漁作爲文章雅且魚我閑時過先生廬右臚史志左按圖年年
桃李添新株歲歲綿聯增舊儲娜嬛福地揭婁居充棟翻曼地
無餘我生抱媿學愈愚武安書欲視盤盂徑思懷餅隨抄胥春
明坊宅儻許租直高一倍爭先輸

曉起

啼鴉過欲盡客枕夢初迴幽逕試微步開門仍晏開餅花香小
室鑪火陷輕灰猶覺春寒峭窗前理藥杯

借書農小孟飲天橋酒樓

城南酒樓高插天下瞰漠漠開平阡兩壇烟樹鬱相抱左為太

乙古藉田一掌平川翠如染萬株新柳綠可憐飛紅墜白渺何

處看額已覺春光妍樓額杏花天九衢車馬去如織更無過客停吟

鞭冷官無事約屢爽正坐自懶非人牽今朝賈勇踐昔諸土囊

恰直東風顛顛將靈賜變清泚窗櫺秋舉塵滿筵始知命薄往

輒阻清遊一日天猶慳莫嫌釘座太酸颯麴車榨溜來如泉豪

談快飲意初縱情親鄉語尤纏綿翻思少壯共江國吳山越水

相毗連其閒風景絕天下船娃蕩槳翻如仙緣何拋棄不歸去

秦雲堂詩集卷六

七

卻向火宅尋青蓮人生仕宦有何好五木十手爭梟隼便教遂

意偶然耳何煩季主占筵筭時二君將訪日者

恭和

御製南苑大闢元韻四首

蓋地登圖阪

同天協健行中春仍肄武方夏久銷兵蒐狩遵前憲能罷簡衆

英謁

陵旋警蹕表野詔司盟玉甸河山麗金樞日月呈乘輿臨曉駕

馳道接雲平華蓋風花繞青旂露柳縈戟中司馬法灞上亞夫

營浩蕩三單勢傳呼萬歲聲櫓槍隨豹尾劍珮叶鸞鳴苑闢規

模壯場開體制宏崢霄臨

御幄飛構結重榮虬髯標千尺鷹臺峙九成共爛躡甲技不慕

止戈名肅肅橫秋氣桓桓捧日誠屹然森就列衆志聳金城
六師瞻秣合巡壘

帝親行雒野排千乘軒符教五兵劍光冲碧漢矛鏑耀朱英
鐵歌從邁駢旄聽益盟犇星圍乍合卻月陳初呈校塲龍驤奮
周隄虎落平六花環正變兩翼妙迴縈屢顧常蛇勢全開控鶴
營騰氛含憤氣翻海卷呼聲伍整知軍肅人嫻識馬鳴握奇演
風后靈轄校任宏共懾威稜峻欣霑慶賜榮禡牙欽典重飲至
告儀成勇震髦頭隊雄傳著翅名齊心同步伐練膽共精神鳧
藻羣情洽歡聲溢

鳳城

屬玉宮初啓張旃賞遂行被廬同示禮包革永休兵綺席羅芳
甸瓊葩閒雜英簞醪頒禁旅蒨棧錫宗盟量谷金銀涌堆霞錦

泰雲堂詩集卷六

天

繡呈林開鶯羽露草綠雉媒平更展三驅禮真看六轡紫蘭皋
晨校獵蕙圃晚移營狐兎忙奔穴將軍善射聲銅竿銜石動畫
鼓沸沙鳴頓網虞衡集垂綬數獲宏兎罝天路闊彪載後車榮
澤已周文囿功同告武成龍韜新按練麟閣古勛名堯戒

皇垂訓虞箴

帝抒誠倬天瞻

睿藻五字亦長城

日吉龍驂轉

天迴鳳輦行順時因舉典耀德豈觀兵

訓遡前猷凜材掄後起英八旗親子弟五等舊勛盟

家法威弧振天文枉矢呈戎衣懷創建黼黻致隆平版籍金甌

固河流玉塞縈廓開青海域盡撤雪山營千羽三旬格雷霆九

伐聲裊瀛恬。鱷浪函谷靜。梟鳴繩武綱。維拏敷文事業宏。簪裳
皆肅穆。組練亦光榮。勒碣鴻功茂。封山大禮成。射蛟翻曲奏。歸
曷紀書名。陳力收羣策。推心感
帝誠。裴蕭欣燕凱。億載拱都城。

偕書農過萬壽寺寺有栝七株皆數百年物牡丹方盛開

各賦一絕

樓禪逃得斧斤災。法雨濃濡黛色開。閱世謾教多歲月。笑他閒
却棟梁材。

蕭寂都忘傍禁城。尋常門外斷車聲。一叢深色花纔放。便費山
僧管送迎。

偕王孟裁遊崇效寺看牡丹

一春不雨新雨好。踟躕沙訪客城南。道幾度春遊約不成。意外欣

泰雲堂詩集

卷六

五

逢事幽討青山出。牆瞰客車到門已。聽蜂聲譁九衢。眯眼但塵
土穠春。閑置空王家。鼠姑一闌花。滿百日。午花光高一尺。鞞紅
歐碧。枉品題。正恐人間無此色。尋常最愛丁香繁。紫藤香重霑
春衫。當前黯淡。忽如避始知。壓衆才非凡。婪尾風光深。鹿苑天
涯幾日。東皇返淨生。萬事墮疏慵。豈獨看花來較晚。僧雛邀客
開雲堂。活火乍發龍團香。團蒲靜對綠陰永。轉轂始信紅塵忙。
倚闌問花花不語。送客出門花起舞。歸來彩筆如有神。攝取濃
香壓詩句。

寄徐星伯時謫戍伊犁

儀羽翔霄落禍機。憐君嚴譴值明時。飛霜六月興梁獄。落日長
途作楚纍。絕塞何年生馬角。傾城自悞在蛾眉。訟冤誰理陳湯
疏。膺背心傷法吏詞。

曾聞遷客夜郎天此路迢遙更十千八月雪花埋馬腹累旬沙
磧斷人烟短衣射虎仍拚醉胡粉簪花莫放顛預識
賜環生人易玉門今不是窮邊

送韶甫弟赴湖南

昔年爾來我假歸及我北轅爾南馳可憐奔走逾萬里交臂一
語嗟無時此行留滯越兩月話雨對牀才十日官書火急有程
期又見抽帆度江驛江色淡滄江雲涼莫愁別恨凝瀟湘此心
隨爾去何極悠悠正與江流長念我十六爾九齡夜寒共被眠
秋廳夢中見母醒對泣平明出入影與形明年伯兄自南至驚
爾胸中富奇字護寒姊翦早霜衣勸讀兄分夜燈餌傷心我兄
歸北邙白頭有姊留故鄉漸迫衰年戀同氣每到令節悲殊方
故鄉二月草根綠弟餉兄耕買黃犢眼前但得爾長看窮餓江
秦雲堂詩集卷六

鄉老亦足

送別陳小孟

病裏何堪把別尊送君流涕國西門驚才誰肯爲時惜薄譴猶
然荷

王恩龍尾莫雲迷甬道馬頭殘照入秋原棹楫左掖陰如舊一
度經行一愴魂

秋雨

重陽已過天未涼北土氣候如炎方陰愆陽盛變斯疾一朝平
雷碾飛雨橫空卷殘暑檐霽百道翻驚潢條條篆畫古屋
漏穿爰土解西墉牆平時庭院苦湫隘潦集忽駭波洋洋疾風
推瀾未潰決正賴階石爲隄防終朝雨止景澹沲東衡西宇遙
相望臨深疑有蛟蜃窟欲渡正限鼃鼃梁醉漚撫檻一延眺絕

似壓浪停沙棠祇餘滑笏湛星月惜無柔艣鳴菰蔣稚子垂竿
戲濡足長鬚躡屐來褰裳推排要與試疏鑿高廡先爲畫紀疆
無原之水涸可待蛟脊已見分奇礪卻憶淮南十萬戶盡葬魚
腹悲沈湘河隄使者坐歎息一壺詎止于金償空合國帑困薪
樵其魚歲歲仍吾鄉一盃手自勞吾僕爾材如此淪獲臧不見
高牙大纛無計籌宣房

宋高宗瑞應圖

煙塵初沸南薰闕宮車已嚮青城發蠟丸夜半詔書來大名幟
府凌晨開宗梁幾路援兵集登壇只倚汪黃策誰憐半壁領巾
書中有瓊廬萬行泣撫牀留守呼渡河迴騎翻蹴河水過一條
衣帶限南北從此罷枕尋雛艾龍飛鳳舞臨安地凍留往事應
能記浙臉重臨石鏡看還鄉減却英雄氣貢誥誰矜瑞應重院

秦雲堂詩集卷六

三

本尙遡宣和風染就一痕天水碧賸來半壁夕陽紅相州更接
磁州去畫裏依然舊京路城郭俄驚白雁聲旂旗已撤黃龍渡
有夢難尋五國城冬青樹底燈檠九宮不負黃羅卜萬里終
教翠輦迎一卷生綃空六幅難圖遼水殘軍哭徒誇金鏃發無
虛鸞弧不逐中原鹿君不見湖陰夢日壓營圓店媪傳觀七寶
鞭四星夜聚女牛舍五馬浮江一龍化古今一例事無憑符瑞
紛紛說中興況是神孫能法祖承天鷓尾天書騰北盟誰館冰
天伴見聞自錄臣勛贊崇號羣尊德壽宮貞符勅寫延祥觀莫
道丹青絕世無投鞭斷事須與荷花桂子三秋景已貌吳山
立馬圖

客至小酌

何期羈宦邸忽聚故鄉賓燭跋雙花墮盃香小院春釵菹酸更

綠牙笋脆猶新此夕愁都豁渾忘異地身

出西直門小憩寺旁茶舍作

一年幾過此門渠流水車聲歲月徂停築欲尋松院閉烹泉小
憩根籬疏草香當午狂相撲雲色初晴畫不如馬首西山青照
眼何時采藥自攜鉏

夜起

幽人扶病起中宵秋半依然暑未消薄宦每循潘合鬢早衰頻
減沈郎腰行雲迎月相吞吐暗水涵星自動搖回首江干癡清
景那能無夢到漁樵

芍藥二十韻

舊識維揚種移根傍紫薇清和交夏淺綽約乍春違婪尾花偏
豔梢頭露未晞桐君蒙采錄鄭國贈芳菲垂手搖鈴索招腰卷

秦雲堂詩集

卷六

三十一

錦幃風光餘在苒天氣澹煙霏五色香羅纈千重火焰旂翠鞋
生薄暈蛾翅亂晴暉綵雪飄垂組縹霞疊賜緋玉盤呈巧樣金
勝稱新圍瑞兆名臣帶薰濃近侍衣翻階情冉冉移砌態依依
雅集鶯催蓋清遊馬脫鞦韆隨肩擔鬧蝶繞膽瓶飛小院青油
幕豐臺白版扉將離人欲去沈醉客難歸倍惜韶華晚休教勝
賞稀續芳營絳檻和鼎進形闈賦翅長卿製詩憑小謝揮籠紗
添韻事歲歲訪郊圻

秦雲堂詩集卷六

泰雲堂詩集卷七

金鎖 孫爾準 平叔

把麈集

出守福建作

十年簪筆侍螭頭敢厭

承明出典州

特勅不關臣乞外剖符應爲

帝分憂洋開黑水驚潛鱗地迫潢池喜佩牛肯薄淮陽誇卧治

單車先與課鉏鉤

雙輪南駛倣裘輕仍似當年下第行衣繡還鄉非素料焚黃上

冢感新榮塞帷自切求民隱贈策誰憐去國情一路經過山水

窟媮閒未輟詠詩聲

泰雲堂詩集卷七

淮陽

百雉差差釜底懸篋輿覘路傍荒塚城中積潦多於地隄上長
淮迴似天挽粟尙勞青雀舫司農正費水衡錢呂梁古道今誰
問遙望黃樓一惘然

題周仲序

鳴鶯

采菡圖

希文昔未達注意醫與相敬輿錄禁方晚忘忠州放乃知後樂
先憂心一術活人齊得喪自從索火燔青囊已覺馮生氣悽愴
玉版空矜三世傳金匱誰書十全上周君手拏造化根結束行
裘問何嚮千歲商芝覬舊谿五色農鞭餘斷嶂石髓應隨王烈
餐柏脂更值仇生餉中夜曾聽二豎言一垣洞見三彭狀欲護
赤子成黎元盡洗沈疴飲醇釀我生中歲苦熱惱一宦南遷落
烟瘴儻容負笈逕相從手結芒屨須幾綱但恐時需活國方東

山久繫蒼生望未許攜鉏畫裡行
彈冠早辦驪駒唱時將詞選

塘棲道中

青山澹晴姿桃花如遠燒窈窕望不極
流光媚初照崖平新漲闊百里無奔峭
桑疇閒菜畦人家隱蓬蘽蓬窗廢書坐
沿流攬衆妙綠蓑冒紅雪何人靜垂釣
疑入武陵谿柴桑可同調

贈別周生

平生數交遊相識君最早君長齒初毀我
幼髮未燥君時夸夙慧已辨琅邪稻我方
媿童昏徒競江都棗重逢逾弱冠相見各
傾倒金蘭訂新盟牙筍喻式好青松色不
移白首誓相保奈何役人事一去迹如掃
十年爲此會循顛各衰老何年辦青鞋從
君事幽討

平生數出處合弁君最數狂歌遵海南
痛飲追河朔計偕遡清

秦雲堂詩集卷七

淮聯轡望東岳洪縻御兩龍朱絲係雙珥
長涂期共騁明堂待同環奈何甫通籍
天海判涯角君去如冥鴻高蹈何卓犖
我行若轅駒世網嗟握鬣名山有著述
升堂待揚摧何年遂初衣載酒從君學

平生數居址道里君最邇吳越雖異治
逶迤僅一水心期苟無隔視遠尙如咫
具區襟兩州長風片帆耳自君徙臨安
我到舟輒艤藍輦吳山巔畫鷁聖湖汎
聽雨剪燈檠弄晴摘花蘂奈何千里別
經歲唯一紙不惜魂夢勞空歎年華駛
何年卜歸田誅茆就君止

平生數契誼肺腑君最密一別逾十年
一見在三日三日詎云久十年語難畢
羨君富佳兒一一瓊枝茁怡然敬父執
卽此覘教術人生重意氣王事有程驛
欲留不得任欲去安忍決知君

畏臨歧掩淚未敢出寄言重丁寤深恐此會闕前言誓不爽息壤盟可必

桐江舟行雜詩

閑身曾記上吟船倚櫂重來過廿年依舊桐江清似鏡只將青鬢換華顛

淺抹濃皴晴雨宜富春山好鶻聲遲船窗挂起劣三尺一幅橫嵌黃大癡

岌窣東西峙兩臺竹如意折釣竿迴山前日日千舟過椒醋何人醉一盃

一徑微茫苦竹緘玲瓏穿破夕陽銜垂厓老特眠春草知有人家在翠巖

天半浮眉秀色分髻螺二角擁頰雲菜花圍遍山腰路繫著一秦雲堂詩集卷七

條黃繡裙

竹雞啼急午晴愜烏石灘聲響珮環溼雨涼濛窗不掩推篷食看睦州山

雲氣沈山泊棹遲千檣風颭落燈時魂銷暮雨瀟瀟裏卧聽船娘唱竹枝

煙雲供養畫中行最是斜陽畫不成湍急屏開帆轉處諸峯只放一峯晴

酒旗吹急隕棠梨寒食風光客思迷山色漸開江乍淡郵籤前路報蘭谿

蘭溪清明

客路風光徧綠穉清明孤櫂泊蘭谿蕪平荒塚烏銜紙花落長隄燕啄泥地值他鄉憐節物人從漸老惜分攜子規啼徹春山

裹麥飯椒漿媿夏畦

雨中山行

螺旋千陞巧鉤通徐度籃輿入畫中微雨山容添蘊藉峭寒詩
思在溟濛方言鳥學鞦韆語風信花開躑躅紅莫厭征涂行李
濕撲天濃翠勝晴空

仙霞嶺

青山失睡朝不醒仙衣低曳玉女屏飛橋跨空轉山脚水風吹
袂寒伶俜盤盤三百六十級二十八曲開岭嶺輿丁蹣跚愁滑
澗苔痕自積鴻荒青半嶺乍聽鳥語寂直上漸覺龍鱗腥思從
高處瞰六合豈知萬象皆潛形兜羅綿裏大千界俯首但聽衆
壑奔驚靈峴厓乍疑窺劍閣懸絙又似升井陘紅旗雙垂濕不
動關門畫關鏘傳鈴想見無諸乍開關經營絕域成戶庭蝮蛇
秦雲堂詩集卷七

四

空鑿翠驅五丁

真人東來泰運啓重臣闔外揚

皇靈子陽倔強井蛙耳畫置自大如拘囹一丸泥封詎爲固懸
梯直下水建瓴扼肮拊背正在此衿甲坐鼓甘灰釘百餘年來
遺老盡惟見折戟沈沙汀時清不復尙設險商販利涉無留停
我來媿乏孟陽筆叱馭未敢鑄新銘古無端動悲咤題詩聊
記吾曾經

楓嶺

梨嶺仍楓嶺衢州入建州灘波揚鷺羽山石卧羊牛路暗頻穿
竹關高遠見旂霧村藏欵乃林鳥亂鉤輶小聚依危徇常餐傍
戍樓衣裘當午減花藥先春抽聞見驚殊俗馳驅感宦游卧泊

長鴻拙卑濕賈生憂衰劣才原忝恩私媿未訓空憐稗海近無
路訪元洲

舟中作

扁舟隨陽雁日莫沙頭泊
深林犬驚吠燈光漏蒹葭
坐久星已繁散髮露如沐
枕簟繞灘聲歸夢何由熟
朝爽客夢輕穿篷晃初旭
人意快新颿天容引遐矚
烟消衆禽噪江清雙鷺浴
白雲去欲盡相對春山綠

泊延平津

古郡雙流外扁舟日莫臨
殘春衝瘴路薄宦去鄉心
城迴笳聲壯沙寒劍氣沈
飛騰感神物往事托悲吟

大觀樓贈雷鈞軒

維甯太守

郡樓憑巖岫俯矚盡江灣
地要帆檣集時清鼓角閑
潮平雙劍泰雲堂詩集卷七

隱月迴一珠還坐嘯知君擅詩才未可攀

螺江道中

帆影天斜櫓罷鳴溪流送艫滑無聲
篷窗卧看前山色如在九龍峯下行

扁舟夜泊建溪隈酒醒衾單夢乍迴
最苦無端十年事忽隨篷背雨聲來

赴汀州

虎頭州近接西封二廣襟連介衝才異晉卿
嬾簿領性同叔夜悔疏慵
裘輕并未攜孤鶴灘險先愁說
九龍若向謝公樓下過詠閑猶欲倚吟筇

清流道中

峭壁劉空忽雙裂隙道緣雲上秋碧瀑流下
墜聲琤淙淩淩梯

田綠千尺架屋臨厓數家住客來鬢髯桃源路雲中時聽一雞
鳴日落還聞衆禽語朱微愁吟行路篇蒼苔埋沒歸田賦亂峯
何處問郵程還嚮綠雲深處去

汀州

廡迴全闕野城荒半枕山田稀糧有芋女少俗多鰥春瘴千峯
暗斜陽一市閑烏言頻訴牒愁絕語音蠻
西隅置接贛南汪水名汀萬濕沙蟲毒桑高社鬼靈旂竿晨結
會驚蠱夜傳經慚媿袁君正清風掃訟庭

題丁孟韓

嘉植齋壁

龍山一角露前林荷芰花間倒影深結構渾忘官舍裏經營識
自畫家心壁間樂石藍田記池上秋風白傅吟吏散晚來無一
事雙松流韻入瑤琴

泰雲堂詩集

卷七

曉望龍山

傑閣延清眺蒼龍北嚮蟠雨過千澗響翠落萬家寒何日支笻
去終朝拄笏看稱名觸鄉思九疊夢湖干

題三賢圖爲伊墨卿

秉綴太守作

閩南理學窟山水秀所鍾道脈衍南宋

國朝暢其風榕村與梁村先後如子鳴靈副雷翠庭先生鉞實親炙弦

誦開齋峯當年秉衡鑑卿月懸江東學官立條約植基自童蒙

至今黃髮彥尙誦教養功光祿曾甫雲林先生稍後起奮跡追前蹤先

人歲已丑同見

明光宮嗟余生苦晚高門未登龍揭來逢哲嗣肅拜瞻遺容粹

然仁者質巖電雙清睡旁有隱君子陰靜夫往日頻過從儼然一

堂上森立岱華嵩惜哉先正遠薄俗淪愚蠢誰爲三里霧煽惑

連沙蟲奏獄滿讞篋投書盈笥歐陽著本論無疾由中充陽
氣滿大宅百邪詎能攻止盜媿渤海興行慚文翁唯餘自刻責
欲効中牟恭式宣三賢化絕學在治弓俊民衆所式更祝揚州
公

題張仲友

金夔

學古齋印譜

追斯軼邈探琅題合向清時侍綠綳黃綬却來蠻徼外終朝鉗
尾一杓泥

少日終軍枉棄縞何曾銀鑄與金塗祝君他日垂三組左顧龜
文似孔愉

連城行館爲童一齋

積超

徵君題其祖若星

艸

新羅八屬呂蓮堡最醇樸頗聞廿年前狴犴無留獄嗟余到官

秦雲堂詩集

卷七

七

晚填委紛案牘亂絲不可治撫循媿民牧竭來間疾苦行縣見
遺俗豈惟民安敦亦覺氣清淑蜿蜒結崇峯鬱蒸見喬木童君
此邦秀宿德著方幅

制詔舉大科茂異稱除目實行過齊魯經義邁轅服尤精太極
書深悟先天卜注易空諸儒卜卦通姤復猶然語謙抑述祖用
自勗授我一編詩不厭百回讀旃香誦霏松風吹謾謾格高
凌寒梅品淡傲霜菊有德必有言柴桑比高躡采風邇本原丹
籬出菴咏詒謀孟遊勤勵志伯起篤期君劭先民還淳美邦族

樓中曉望

曉色靜高樓晨光未上鈎溪聲淘客夢山勢折春愁風景因人
異行藏不自謀雲羅歸雁急搔首墜壺頭

新寒

遮眼文書撥不開空堂如水燭花摧一繩歸雁秋催到半臂新
寒雨送來白髮明朝應滿鏡青山隨處好登臺授衣幾日黃花
節料理天涯濁酒盃

河田道中

破曉層峯散薄陰山程聊當愜幽尋新秧插後河流減聚葉生
晴嶺色深每見耨耕懷舊隱悔將遊宦負初心莫驚官長相傳
詔擁鄰重爲梁父吟

登武平天門山

險絕天門逕淺晨隱日重懸礎低礙路仄岸滑崩沙古廟無螺
相荒礪尚虎牙康熙間邑人朱紹嘉踞此作亂莫令逃賦稅珍重問桑麻

武平行館寄丁孟韓

金沙城枕龍山半山色如環青不斷岡重嶺復糾莫分正坐未

泰雲堂詩集

卷七

八

從山外看朝斗巖側尋琳宮眼界初驚到來換朝烟夕靄態萬
千歷歷遙分支與幹全汀形勝在眉睫雉堞鱗鱗低可按山麓
梅花一萬株帆逢鄧尉支硎畔與君一遊亦偶爾撫檻低徊忘
日旰欲別更驗苔枝封重來待賞霜英粲漫將後約質山靈豈
意斯言竟河漢君行去蹋晏溫山我馳爲勸員墩案郵程風日
正暄妍想見繁花浩凌亂無限羈愁待傾寫有如執熱思前盟
六年京國嗟苦寒曉夢不聞公鳳喚瘴地久聞花事蕃叱馭何
辭向南竄一篇未詠何遜詩五朵徒煩韋陟判我生不晨逢角
張君何與世殊冰炭浮生正坐一官悞歸計已熟千回算我居
射貴君蘭陵夜榜扁舟晨到岸提壺杖履處宜竹屋僧廬皆
可玩結隣但合肆遊遨塵務何曾有牽絆倉榮徇祿遂至斯墓
誓山移貴能斷東隅雖失行可追西隣有禰吾奚憚急迴歸轡

陟屺顏尚有餘香委叢灌莫辭卯酒罰盃深聊薦辛盤懼歲晏
詩成急遞付緘封一穗青燈爆孤館

峽口

峽劈奔洪急溪迴雜樹多危厓垂趾度巨石側身過行李嗟荒
微誅萌憶舊阿平生邱壑性到此厭峩峩

雨後入梅園

積雨園關久乘閑偶一來虛亭三面水老樹半身苔高竹因風
折殘花帶濕開鬱蒸原不耐性僻重裘衷

幽齋

似舫幽齋卷碧紗閑園芷徑一條斜清機春引桐流露吉語朝
聞蕙吐花野客來評荔支帖山僧新寄壑源茶漸長晝漏渾無
事坐聽蜂聲放兩衙

泰雲堂詩集卷七

九

藍屋

有水眼俱淨依山氣欲秋清暉能冉冉客路信悠悠薄宦違青
眼浮生付白鷗詩成猶嘯傲發興已滄洲

杭川

積鐵森高硤驚洪落跳波片帆穿浪出雙槳撥雲過後嘯風猶
隱蘅香露漸多數家成小聚繫纜傍陂陁

雨後繞道山中境甚幽曲

崩流壞道別尋蹤新霽山程轉鬱蔥雞犬數家雲裏松楸十
里水聲中已教圖畫張秋色更遺笙竽亂晚風振策長歌紫芝
曲地幽應遇鹿皮翁

迴龍

喚艇迴龍渡江清曉色前山寒初上月墟遠淡含烟節候逢殘

臘風光似輞川役車行未息媿對白鷗眠

宦化道中

千嶂繞平甸高下共一綠灌林間禾黍深淺各以族清溪護瓜
疇黃花帶茆屋新秋出渲染媚此行旅目野老候近扉重稚隨
遠牧睹此盈甯象定有敦龐俗前來米賊誅昨歲殃徒戮至今
費爬梳赭衣滿犴獄豈其盡無良母乃操已蹙斯民誰之司顛
擠忍此酷至治崇本原俗吏勞案牘寬猛各有宜良箴思太叔

湘洪廟

湘洪淺涉每停旌猶是金沙半日程峽轉灘聲全入潮地開山
勢漸趨城楮餘斷嶂經春燒綠繞輕犁趁曉畊劇愛此邦農事
早燒燈纔過鴉鳩鳴

自汀州登舟赴漳州作

泰雲堂詩集

卷七

十

客路清江曲官船黃篋篷百年循短髮萬里逐飛蓬秋老江花
白宵深驛火紅安仁況多感倚棹泊西風

題墨芭蕉

一叢舊展吳天綠新見著花紅簇簇畫師有意出新奇別染螺
烟忽盈幅敬宗贊後休文彈世間好惡隨轉燭看朱成碧本無
憑佳醮何心任榮辱昨宵涼雨滴詩心愁思離披秋滿目夢入
山堂礮戶寒騷人鳳尾裁新服

漳州監司解有碎石壘爲小山上植大榕樹絕奇

誰將百拳石累此五尺阜古榕森株柯百丈植其首盤根不入
地但覺石罅走周遭襟絡之緘石爲械紐無石樹何依無樹石
散久爲間石與榕二物孰先後不見斲山人難招種樹叟功奪
造化奇此理竟難剖毋乃熊宜僚欲試累丸手憑誰質然明松

柏生部婁

漳南道中雜詩

草際霜華澹欲收。清溪曲處一村幽。筍輿殘臘南州路。萬樹丹黃似晚秋。

蒼翠遙從

一澗分。幾家茆屋倚山垠。午晴一道炊烟上。直到峯

霄化作雲。

忽聽輿蓋雨潺潺。斑竹窗簾欲上關。細驗風來自何嚮。獨留一

赴邵武道中作

暫拋百冗不相關。一路肩輿且看山。事到艱難翻澹漠。身因行役轉蕭閑。重陰覆野寒逾曠。殘歲隨波去不還。一笑郵亭慰寥

落梅花未改昔時顏。

泰雲堂詩集

卷七

十一

城外清流繞碧渠。城頭高閣迴凌虛。朱欄客凭飛鴻上。青岫春迴霽雪初。嘉話已成千古事。瓣香猶奉一編餘。誰能更與追前躅。襟被同來聽夜漁。

重過伊墨卿秋水園

省醉黃壚一欵關。沿緣莫泝帶荷灣。營邱畫裏移來樹。靈運詩中詠過山。汗漫爲魚莊叟悟。淒涼化鶴令威還。不須更聽隣家

笛。照影寒冰涕淚潛。

和張堯山汝驥

觀察過秋水園用墨卿韻

壞壁重來覩舊題。天涯鴻迹印沙泥。遙山亦有傷心色。澹翠如眉向戶低。

招隱清歌拂水湄。桂枝樛曲破疏籬。知君重到平岡路。定向人

聞泣路歧墨卿物於揚州

欵竹剛逢歲欲除臨江穿逕賸幽居却從化鶴歸來後尙接男

青女紫書余昨歲得墨卿書計其日月已在相館之後

鋒車攬轡著鞭初無那巫陽下玉除太息侯芭重載酒謂猶子管書

一觴回酌子雲廬

新正五日陪成果亭司農格陳雪香少寇希曾繆春香李

勉菴蘇介堂遊熙春山卽和少寇元韻

花間小隊快從公虛閣欄憑積翠中春逗梅梢開霽日前一日雨是日

放座霏蘭屑轉光風兒童喜見瞻帷夾道瞻仰儀從者甚衆簫鼓懸知

葭屋豐拈得后山香一瓣滄浪詩話敢爭工城東詩話樓祀嚴滄浪

記接班聯侍罕梢履碁碑影跡全拋乘春色侵行幟驢訟棠

陰徧樂郊東閣開尊溫舊話官京邸時常從司農司寇文酒之會西曹傾蓋締新

秦雲堂詩集卷七

交李繆皆舊識蘇始識荆雪泥縱說前痕在阿閣何年掃鳳巢

李勉庵秋部獄歸途以詩見懷依韻答寄

海國春隨使者來青天白日覆盆開樊蠅徒亂盈廷牘市虎難

欺折獄才銜

命君無慙蕩節拂衣我願返蒿萊中宵急遞傳新什想見挑燈

手自裁

登邵武城樓周櫟園侍郎守禦處也

分陝南來赤羽馳籌邊慷慨重登陴徹宵烽火聞清嘯樓祀嚴滄浪戴色風

雲待賦詩遺愛猶留三老語閑情尙葺兩賢祠樓祀嚴滄浪戴石屏櫟園所營

枕戈如有燕山夢記否千門受箭時

題洛神賦後

通親求試屢陳情詣闕猶聞負鎖行何事玉鏤金帶枕忽從歡

宴齋承明

翠羽明珠戲洛川。美人香草託纏綿。豆其已是相煎急。却許君王賦感甄。

曉發童坊

策馬童坊路。巖霜拂曙袍。山寒雲自擁。人去月初高。殘歲行將盡。浮生莫道勞。清溪無曉夜。送客響波濤。

山行

石路犖确山崎嶇。春容尙淺寒容深。巖溪片雲挾雨意。隔花一峯含畫心。垂鞭誰識獨行客。接翼無數飛禽禽。峽流冷響暗水似欲答此邱中吟。

微雪

微雪洗山骨。曉晴青更滋。澗平生浪澀。村冷上烟遲。客路終無盡。秦雲堂詩集卷七

盡春歸。定有期。流澌豔陽節。不爲冶愁思。

赴福州作

省符侵夜來。輕裘詣朝發。羣山走頽浪。迤邐出復沒。郵籤歷一程。期嚴安得歇。中宵亂清谿。人馬同一筏。牛渡流金波。峯巔上圓月。清輝融心神。涼影鑑毛髮。啞啞驚鳥鳴。遊泳水精窟。顧此忘疲勞。妙景逢倉卒。徒御亦裘衷。微步陰林樾。束苴旋相催。登輿去超忽。

清曉聞郭公飛鳴在高柳。日南農事早。簞笠徧東畝。相呼看使君。釋耒聚童叟。停輿相勞問。聞言輒領首。方音苦未達。意亦通八九。依依數里間。殷勤意良厚。醇風念懷葛。去此如未久。新令嚴詰奸。編保爲除莠。奉行失苛碎。搜括到雞狗。養民如養魚。涵育資清瀏。頰尾魴已勞。頰爲發其筭。所憂山壤墾。苦歎星在留。

左醫而右殮異說安得誘富教在有司伊誰執其咎

春山碧無罅脩篁雜深樹朝陰弄輕弄冉冉生綠霧舍輿策孤
筇苔磴蹇余步不辭登陟勞頗愜尋幽趣危崖忽雙裂其下梯
田布飛流不須剝蜿蜒相灌輸雲中聽雞鳴勃茨數家任指點
疑仙都武陵何足慕我豈無舊廬早歲嬰世務淒涼行路吟埋
沒歸田賦出谷媿饑劬午郵聊小駐

江口滙衆溪一雨波驟長吳兒習舟居變計買烏榜已厭山行
勞篷憲恣偃仰俯視竹箭流觸石奔雷響計程越三百解纜纔
一放豈意逢石尤相竿吹五兩袖手看來帆終朝傍荻蔕流行
與坎止前定安可彊逆施競人力進尺退必丈泥涉不測淵操
具恃兩漿壯趾易所占習坎此其象破浪會有時聊借息塵埃
雨中至順昌示何令尹墨溪蘭汀

泰雲堂詩集卷七

十四

夾嶂溪迴萬竹長愁霖乍歇翠淋浪人穿雲霧歛苔磴水激雷
靈冒石梁聯臂時逢緩下飲澤毛恐有豹深藏故人高義如孫
字醉裏題詩感瘴鄉

守灘

高灘挾雨建瓴來倒拔龍湫起蟄雷一拖一重山翠繞三朝三
暮浪花堆篷窻俯處城闌閉棋局闌時枕簟開喧極始知人轉
靜一甌新水淪玫瑰

樹

偃蓋江千樹行人息影偏不辭枝屈曲終得蔭裘延穴蟻心原
苦騰此力自堅拂霄看咫尺毋忘角弓篇

自連江赴定海作

豈不知難官有程危途辛苦事晨征地窮路向巉巖覘潮退人

從淺海行種別盤瓠沿舊俗山中有畬民槃瓠遺種也戶收蜃蛤當春畦
竿塘且喜繩波偃閒與耆黎說太平洋盜蔡牽未靖時定海被害最劇

蕩船

橄欖陰濃蕩漿歸船孃梳鬢倚窻扉一生不著鴉頭襪捻把鏡
條當地衣

兒水石腸見慣香溼六極航雙鬟鬢鬪衣香裊衫梳裏粧全別可是吳

釣龍臺

赤龍躍起芒碭雲羣雄儂景爭攀鱗闔君佐漢不佐楚眼識真
至成殊勛錫封東冶仍遺服右旗左鼓開基局誰憑巨解築高
臺釣絲下拂茫茫綠傳聞餘善王諸孫吞漢不識天王尊真龍
豈受豫且困空煩六牯沈絲緡骨肉相殘終覆族遺黎盡徙長
泰雲堂詩集卷七

五

淮曲窟室曾交魚炙鉞廟尊誰認狼牙鏃騰有英風冠海隅傳
芭蕉醋走靈巫卽看桂府黃蠶逐何似昭陵石馬趨走圭鳴鼓
羣祈請黃梅十日雲無影安得長竿卷海波一霍秋原三萬頃
崇安令汪樹滋惠武夷茶賦長句寄謝

南遷何物誇向人壑源早茗楓亭荔新羅三載如繫匏舌在何
曾識風味陳家紫香六月初歸騎今年走相避武藝僅隔一樵
川笈籠連翩供俗嗜小鈴徒聞社火前外焙誰辨沙溪僞穆陀
樹本仙人種玉葵絕品何由致白絹斜封赤印鈐故人爲遣軍
持寄雙餅氣潑香雨濃一旒色卷春雲翠活火自學黃衣煎試
水頻傾紅玉器清凝蘭露欲搜腸響泐風初破睡漫道詩情
合得嘗擲與鑪官真自媿歐公拜賜明堂齋寶惜龍團敢輕試
東坡珍重密雲龍明略當年猶忝次我今七椀意未休浪說品

蕩槳除粗竹席
爲草也

題能默識能仁院中石巖白只有君謨悉原委至今聞說清隱
堂精奇尙屬山僧祕安得身行鐵鎖橋天柱峯頭望奇宇逢君
政成正清暇采茶聲裏傳阿至宴罷紅雲訪昔遊烹來綠雪消
殘醉時清方貢皆罷停盡黜茶官醒彫劫願君勿學何易于驚
雷一炬無遺利

言可樵尙焜

寄示張春荃司馬手蹟其子雲巖所藏也爲

題長句

六紙家雞題庾翼鳳閣流傳寶章集盧諶世守有專門伯英遺
翰知誰及春荃司馬筆有神尺書郵寄何殷勤帶劍猶存故交
思鑿垣已識諸郎珍開械十字光錯落矯欲騰龍紆翥鶴撮磔
何似金錯刀畫沙中有元和脚涪溪磨厓清且雄凌雲斷扇規
模同隱鋒自就一家法磨礫盡含三體工想見題興寄高躅中
泰雲堂詩集卷七

六

山兔頰千雙秃判牒從揮張旭豪朋箋盡弄陳遵牘我來稍後
空復情曼卿已返夫蓉城散落人間有神物鸞鳳泊猶縱橫
平生嗜好誠知蔽腕辱自媿嚴家隸相對何如索靖碑布毯欲
教三日憩好與楹書共護持鳳雞何自別虔慈他時題品奎章
蹟鑑定還須米虎兒

寄題王子若

應綬

耳畫室圖卽送其歸太倉營葬

國朝畫手誰第一司農家傳太常筆石谷旁分一瓣香茶磨井
東相間出蓬心太守截衆流愛寫瀟湘兩厓碧尺幅珍藏比獲

麟慘淡煙雲忍磨滅

蓬心先生屬德時猶寫尺幅見寄邇來寂
至今藏篋衍中益先生絕筆也

莫三十年西田樹老秋蕭瑟公子飄零到海陬腰間寶玦無人

識都亭車騎自雍容合君賴有臨叩吉謂可樵烏石山前一遇

君風調烏衣過江客萬疊青排可遠樓蠻烟瘴雨供晨夕自寫

江南一髮山却將耳畫題傳室朝來寄我一紙書鐵鹿惱人歸
有日點染邨莊黃葉圖規矩高曾見標格筆端無數好峯巒如
此青山不埋骨太息東西南北人一舍牛眠向誰乞古人高義
今已無梁先絲絹堯夫麥媿我徒懷挂劍心問誰更抱生洲術
紅簫隴下會相逢瑯邪門第滕公宅

送包山六兄之菊才五兄青陽任所時兩兄有季弟之痛
爲有鴿原痛增懷雁影單間關從仕宦衰莫屬艱難夢裏九華
路愁邊八節灘到來秋欲盡却話瘴鄉寒

秦靈堂詩集卷八

金鑣 孫爾準 平叔

正筴集

題言可樵連江謠

元魯山歌于焉曲白太傅製秦中吟九重特賞紫芝宇十篇持
作丹展箴告勞小雅義所切祈招自昔傳情愔輶軒不睹采風
使民間疾苦空銷沈言君世有弦歌譜牽絲偶到鼇江潯邑人
自醉建康酒合君但撫神暉琴誰知却試霹靂手寂照徧徹琉
璃心除暴何殊渡河虎別齋有類穿書蟬况復家傳擅文學新
詩脫手聲鏘金窮形盡相語必存取象譬物思何深積年痼疾
一朝起不異病瘵逢團復時苗去官置牛犢仲昌報績翔鸞禽
我曾親歷聽輿誦循吏口碑傳至今乃知出治有原本佳什載
秦靈堂詩集卷八

誦心欽欽怪君量移在赤紫種花十載今成林烹鮮爭思爲漚
釜製錦共服工穿鍼胡爲一官著戶限驕驕欲度徒駸駸毋乃
斯民卧車轍春風久戀甘棠陰卽今上游急才彥真闕正爾求
南琛佇看雲山韶獲句譜作清廟朱絲音

哭李鄴齋廣芸方伯

豈真造物忌名高無那難防笑裏刀已是含沙工射影更教抵
隙善吹毛歌成黃鳥身何賤賦就青蠅首重搔慷慨杜陵男子
語肯隨牽率詣西曹

萬口如碑瑱不聞鏢金猶欲證彈文誘與蒼莪原知枉香烈椒
蘭竟自焚定計有堂深偃月呼冤無路蔽浮雲寢門一慟烏能
已師友情兼合屬君

數行決別已聲吞臆背方知獄吏尊罷市徒看旛共舉漢汀二郡奔赴

會城哭奠。傾巢幾見卵猶存。君一千年甫十君如子產衆人母者數千人我媿張堪知已言欲答秣陵書一紙巫陽何處爲招魂

閨闈門高聽白卑

詔從民志速郵馳。疏入詔據錢共立藥公社插竹爭趨寇相祠白馬朱衣徵夢兆。時有夢君爲漳春後秋鶴繫懷思何煩

更畫遊仙像。民問爭畫君像俱不神似好爲君架第二碑

王春波作畫四幀見寄詩以志謝

春波之畫不易得。堆案積材慳著筆。朝來寄我四幅圖。此意甯止千金直。畫中春物何披昌。狸奴注目春駒忙。赤鯉游空去國圍。已覺流水桃花香。忽然換筆寫秋色。杜陵詩句心能識。想見含豪倚閣時。悟徹難忘得失旁。觀歎譽不容口。指數淵源較儕偶。古人已度白陽前。同時宵落張敬後。舉世皆知重彩豪。一

秦雲堂詩集卷八

官尙自淹黃綬。絕技常遭造物嗔。片縑自定千秋壽。聞君自畫

荔枝圖。王子若言君爲汪公子均之畫荔枝文圖人物工絕就中人物尤絕殊。相煩更染

吳襄筆。邱壑中間置幼輿

題王子若畫

高閣橫窗拓曉寒。長虹遙瞰卧波寬。肩輿每惜匆匆過。却向圖

中子細看。

漁莊鱗合接波平。木槿開時嫩綠生。最好晚來烟雨裏。一簑愁

黛不分明。

小艇何人打槳迎。早潮晚汐不勝情。長橋南去波聲急。多少鴛

鴦夢不成。

乍涼

乍涼白袷試新裁。簾卷高齋向晚開。初月窺人簷際入。好風通

道竹間來濟時事業嗟純扇投老心情付酒杯獨愛海天秋色
遠明朝策杖釣龍臺

題劉玉田印譜

西京教僮學急就兼凡將能諷九千字試吏習飲章俗學守章
句莠棄爰與倉遂合簪筆彥臨文昧偏傍穿錐干逆上屋角金
相當何況籀扁書昂萃復箕張劉君工繆篆記字過未央雕蟲
詎小技雅故函三蒼鑄銅試撥蠟切玉等截肪古鼎皆敦牟漢
瓦摹香姜森然刀屈鐵作生寒芒頗疑斯邈鬼腕底相迴翔
溶溶花乳石豈足禁鋒鏖饑來不可煮逆旅徒傍僂不逢沛國
桓安識西蜀揚自攜兩侯芭腕力亦頡頏我媿樸園空爲君記
行藏買菜更求益贈貽溢膺囊晶銅磁竹骨平銳橢圓方蛟螭
互盤屈秦漢劑柔剛君家南海陬送君還故鄉因君思舊遊簡
秦雲堂詩集卷八

分古之狂

黎簡民

遺居百花村別逾卅星霜猩紅有小史儻復存

縹緗一符如繫肘足勝千金裘

晚酌

竟日勸塵事把盃初月沈那逢千日酒空抱百年心星覆池光
定林斜燭影深不知更漏永涼思滿秋衿

送阮俞還里

獵獵旗翻夕照寒牽衣重爲立江干新秋更念歸裝薄垂老無
如此別難孤劍遠行千里道扁舟去觸萬重灘菊花香裏柴門
近一紙平安寄我看

戊寅元日

昨宵香散土牛塵曉色雲開歲更新宰堵香仍留故事屠蘇酒
已讓先巡笑漸覺兒童避筋力翻愁禮數頻細嗅梅花重悵

恨南州彈指四回春

為甘滋蒼題其師陳秋坪登龍司馬遺札

秋坪老人生未識每向屏風見遺迹天梯百級掃蒼蒼靈寫青城好山色青城地接劍門關宦跡疲驢日在還居人不識是官長歲星游戲來人寰歸去扁舟落吾手麻鞋官向長安走已識揚雄學閉關却喜侯芭能載酒一編手澤重球瑛短札長篇意致清相對猶欽典型在見此增人師友情更有遺編誰論次琅玕百幅蠅頭字他時藏弄香山匡廬深處東林寺

言可樵招同陳士竹遊望海樓舊為耿藩別墅

望海樓來不見樓平田但詠柔油油膽從朱邸窺遺趾誰向青門說故侯小巷尋常春燕入廢池依舊晚潮流東風似識滄桑意冷禁花枝不放愁

秦雲堂詩集卷八

陳士竹示見和遊望海樓之作仍用原韻奉答

新得詩名出倚樓更煩劇蹟寫杭油清遊寒食期重過往事輕烟散五侯花勒小紅隨思破冰開新綠趁孟流興衰轉燭何堪問一醉能銷萬古愁

答言可樵見和遊望海樓之作兼訂後約仍用原韻

孤亭遙瞰當琴樓小坐芳茵翠潑油看竹何須諳地主搏沙無復問通侯官閑況是逢佳節園好尤宜合勝流後約禁烟須果決要防風雨替花愁

春晴

春晴近午意尤快物態相忘兩不嫌微盞墨香生石硯絕無風影靜牙籤蟲粘花繭細懸樹鵲踏竹梢低入檐閑裏始知芳晝永幽窗一任老夫潛

雨

雨瀉垂簾瀑雷驚殷地車連宵聲未歇向曉勢頻加屢茁楹間
茵孤餘葉底花已聞農父歎麥穗卧泥沙

為陳士竹題文徵仲書卷

平生三絕畫書詩追配鷗波無媿詞忽炷涪翁香一瓣繇來能
事在多師

椒盤獻歲早春天不紀正嘉第幾年想見玉蘭堂裏坐紅絨衣

帽曉窻前詩云狼藉椒盤覆酒盃坐消香篆撥爐灰歲同燭跋
垂垂盡春逐雞聲鼎鼎來四壁殘寒零雨散一痕芳
意早梅開老來無復窮
堪送潦倒虛文不用裁

送陳士竹赴浦城

陳君至性人恬讓信交友美如穆質酣醇若公瑾酒百里宰赤
緊一命淹墨綬到官人盡趨子行胡繩後况聞道南鄉遺俗亦

秦雲堂詩集卷八

五

頗有前歲君下車善政在人口但懸蒲路鞭不試霹靂手催科
自書批繆屬競擔負決事中員程法吏惡授受樂藹百城表國
僑衆人母巖疆論優調哀然當舉首八閩六十四州邑刑法課
稅能中功議者君一人而

已上游急此賢符檄已銜袖出墨尚二宿可以觀所守春江送
行舟東風一枝柳戒涂君勿遲竹馬候已久

題馮紳泉觀察渡海圖

華嚴世界婆娑洋三十六島傳開皇草雞夜鳴嵐拍水天啓
聖瑞威遐荒蒼龍渡海五百載丹霞拔起成金湯帶鬻殷賑一
都會百賈輔輳泉與漳鹿皮稅輕歲增戶粵民鼎立開官莊疊
起巴人訟田芋隙同楚女爭邊桑奇贏彼此競雖未睚眦報復
尋戈鋌官司禁諭不可止飛書插羽徒蒼黃誰能談笑靖鋒鏑
君自請行慨以慷高秋八月鷺門烏龍驤萬斛騰軍裝神飈扶

柅一針送馬銜前導天吳藏駟轉風雲自開闔潮迴天地相低昂十三更路瞬息達花鬢夾道迎旌幢大開恩信示禍福清風一掃無蝸蟻十旬擾攘片言定爭把農器拋櫬槍至今雀息奉約束風采向想埋輪張歸隍寫圖見閑暇柅樓踞坐神揚揚干夫共膽乍出險凱歌噉噪雲蒼涼立功絕域丈夫事平生志願粗能償彼何人哉傅介子我欲從之馮野王醜雞自媿見聞隘何異河伯誇大方題詩放筆心魄動波濤隱耳聞雷碾

爲言可樵題燕子磯圖

王謝堂前野草荒南朝何處問興亡唯餘燕子不飛去閒向江頭晒夕陽

記得僧樓磬響邊收帆恰在寺門前青山畫裏還如舊一別江南十四年

秦雲堂詩集卷八

六一

八月初十夜聞中寄邵子峯 秉華

此夕文昌景最真中宵孤坐默懷人一家自製新翻錦兩綉羣推老斲輪學問成原在遲莫功名得莫厭艱辛燭邊正斂珠來去想見花開筆有神

十六日登明遠樓

雲物淒清入倚樓霓裳奏罷鎖闌幽山形繞處盤龍虎劍氣沖時動斗牛路識浮查天漢近香飄叢桂月波秋當年辛苦猶能記蕪燭三條夜未休

醒來

客裏霜醉歸嗒坐對孤燭一甌春茗香就枕夢先熟睡中遺其身萬事付冥漠醒來燈已殺牕雨響修竹

題陸儀吉花卉

百種花枝一幅牋。衆香國裏度流年。長紅小白光風轉。似讀睢
南第五篇。
沒骨圖成粉色輕。近來都仿草衣生。愛他下筆工勾勒。尙有黃
筌舊典型。

題馮紳泉授經圖

高密昔多男人各授一經。冬郎最小兒。雛鳳聲尤清。羨君花甲
年。蚌珠歸甯。馨憶預湯餅。曾先試啼聲。英蘭瑜茁其芽。頭角漸
嶄。嶄偶合叩燈盞。夙慧辨四聲。誦詩了瑟僮。退之夸其髮。封侯
祝衮師。樊南盼早成。君家都憲第。駟馬開高閣。勳業爛。

國史世澤傳。趨庭根柢在。經術綺歲先。專精真見題。繼環肯使
公慚。卿洗桂手中折韋。編膝前橫口授肉。貫鼎背誦水瀉瓶。何
論異日事青雲。滿前程。但看圖畫裏。已慰桑榆情。

秦雲堂詩集卷八

七

館師劉信芳少宰讞事閩中

恩晉都憲還朝詩以志別

五見南州柳色青。春風回首憶元亨。蠻荒何自瞻卿月。分野欣
占動使星。負弩祇今趨謁舍。校文記昔鍊寒廳。巢痕掃後塵容
改。立雪重來媿舊形。

鄒魯徒聞說海濱。睚眦箕帚動信犀。犀渠鶴膝家成俗。杜律皋
謨筆有神。讞篋平反矜解網。懲奸風采肅埋輪。要看萬物昭蘇
氣。驗取歸輿一路春。

尺一天書下紫霄。喜看紋冕映蟬貂。章平世業傳三葉。海岱高
門冠。

兩朝持節人才歸。藻鑑寒帷民俗入。詩誦六卿陟徧新銜峻。
角神羊屬趙堯。

追隨何意得天涯。三度頻看桂魄斜。供具食單餘菜把。歸裝輕舫趁桃花。感

恩北闕初承

旨拜慶南陔乍到家。恰值泥金新送喜。馬搥門外語聲譁。

午睡

浮生隨地可安家。莫遣芳樽負物華。老至何煩為日計。醉來渾

欲忘天涯。霜柯神護唐人蹟。候官大湖有唐天祚年玉鈴僧緘

宋代茶崇安宋代茶樹尚存午睡乍回芳書永。小齋幽事賞心賒。

題畫

斜陽照空翠。秋色淨如沐。幽人晚逾閑。倚杖窮遠目。巖前不盡

楓籬下。將殘菊。村居有如斯。誅就卜築。

飲李夢石觀察三山園

秦雲堂詩集卷八

逕迂通竹柵。亭小縛松毛。寫影荷潭淨。窺巢菌閣高。杯盤煩屢

徙登頓總忘。勞後約逢新。雨翻溪看雪。濤

春日陳恭甫以小除夕病中絕句及病愈長律見示卽次

其韻

飛騰莫景事紛拏。幡燕陰中歲又除。閉閣未知居士疾。開年但

訝故人疎。流鶯頻與催丸藥。鬪蟻還應滅著書。惟有夢中春草

色。却逢昨夜雨鳴渠。

幸遣門生議鮑胸。絺芬輕試不賞龍。方驗後知逾健鶴。骨甦

來想更臞。員石書成真達觀。鈞天寤後復何虞。憐君最是烏私

切。一笑高堂得至娛。

爲閩藍樵題畫

九九新甫姿勁挺。千歲質春風不凋。花歲寒有佳實。仲寶棟梁

器骨構基作室脂葉匪瘞饑終當宿鸞狽 柏悅圖

蒼龍露頭角翠鳳垂羽翰東頭鄉思深日煩報平安春風北堂

上清陰鬱檀藥干霄苗苦節珍比青琅玕 竹安圖

趙穀士 在田 同年惠通印子魚賦贈

昔讀荆公詩風味羨鮒魚登俎卧長劍三印通有餘或云失其實博物公偶疎流傳襲謬誤下逮黃與蘇通應及顯應辨說遂紛拏空煩好事者斲扁臨清渠又謂解別種鮒名互呼自非磊落人箋注徒區區風靡想時尙寘筵珍腹腴竭來越四載未見登庖厨退之厭南烹頗訝前言虛朝來食指動詩人走長須開筵鹽透白脂膏滿其軀呼童佐小酌茗以筍與蒲一飽若填塹廢箸還嗟吁此邦數珍產丹荔壓番禺紅鹽與白曬入貢由祥符水遞進黃柑窮籠走酪奴口腹安可窮不脛已風趨差幸秦雲堂詩集 卷八

食荔支

道魚鬻蹄地未出租儻爲使宅供誰詠礪溪圖小鱸未宜獎盛名不可居作詩報佳惠斯言毋乃迂

荔支答廢明峯 奇瑜 廉訪

芳園曉啓樹陰長買夏相尋十八娘翠羽低垂丹實重絳襦初脫玉肌涼仙盤甘溢醞醅露天乳香流沈灑漿方物更誰堪伯仲黃柑西路摘新霜

海山仙人十八娘絳襦中單紫麕囊人間溽暑那敢近火雲自熱冰肌涼族蕃品衆孰稱首方紅陳紫兼朱香君謨好事創譜例輿公比玉爭評量紅雲社開龍嶽樹夏第一西洪塘王家老媪抱樹泣斧痕微斫如螭郵西禪中冠僅兩樹綿歷千祀身半僵 西禪寺中冠荔支兩樹尚宋時物今半枯矣 流傳雖復後掌故名實久已殊香

臧邇來物產變風氣絕品乃數與泉漳標核薄如海獅掩草坂

社前尤擅場肉丸稱名無乃鄙水精作球白玉瓜近日以南靖縣草坂社所

產俗名肉丸子為最其核僅一薄片狀如海獅之掩十年徒向福唐住但教耳食非口嘗

楓亭十舍差可致色味已減風露芳況乃紅塵騁飛鞚纒纒丹

實徒盈筐空合玉頰左車損青驪西狩嘲郎當天生尤物不遷

地上林移植難為良輕紅挂綠伯仲耳左袒各自私其鄉我生

聞越徧遊歷獨欠未放瀘戎航探驪得珠餘可棄口腹有願粗

能償感君不食摘贈我問我何味堪比方江瑤柱好終不類況

西馬乳南諸楊坡公妙語強相匹得毋晦老儕韓商西施不必

聞名姓何苦多事分低昂但當飽啖三百顆內熱還飲甘諸漿

月夜登于山頂

絕頂疑冲舉高臺抱蔚藍銀潢秋曳練金鏡晚開函鴻雁九霄

泰雲堂詩集卷八

斷山河一氣涵仙蹤空有慕涼髮不勝簪

題邵二雲師日長山靜圖即送哲嗣子峯還浙秋試

爾雅臺荒鞠戎蔬更誰博物注蟲魚藝傳絕學蒲輪召名稱儒

林竹管書束筍鑿楹遺稿在長松遮磔落陰虛一燈問字猶能

記繇外雙簾影綺疏師京寓有雙簾移

一別京華類轉蓬相逢何意十洲東史才更屬劉中壘家學爭

推鄭小同失路衫仍鷗鷺白歸程帆過荔支紅秋風悵望層霄

裏一紙佳音趁早鴻

泰雲堂詩集卷九

金鑽 孫爾準 平叔

朝 天集

蒙

恩擢閩臬展

觀北行明蘊如

山葉健庵世倬

馮紳泉王雲榭

楚堂

言可樵餒

送江干賦以志別

急遞除書促

觀窻傾城祖帳集江干也知小別歸期近其奈臨歧欲判難孤

宦一麾移瘴海六年千度夢

金鑾朝

天此日臣心切風雪嚴程不道寒

泰雲堂詩集卷九

江行

未覺螺江江路長愛看斜照倚危檣沿江無限楓楠樹紅盡能消幾夜霜

次韻答何耐亭 北麓孝廉見贈

一曲朱絲待賞音良材誰爲采中林棲遲莫悔功名晚學問原隨閱歷深看爾培風雙鬣健慚余垂雪二毛侵中宵共聽荒雞舞休忘郵亭此夜心

延平道中次耐亭韻

近午征衫陡覺輕南風送暖弄新晴山趨萬馬圍初合江披雙龍氣未平路繞白雲參畫理村排紅樹密吟情非關要恤輿丁力自愛高低學確行

水西

吹衣激激水風寒。喚渡沙頭夕照寬。隔岸山城如畫裏。最宜身在水西看。

延津行

豐城獄底宵光紫。出地芙蓉爛如水。千年化去終合并。延津峽口雙龍騰壯武。當年稱博物。占星莫禳中。臺圯墓樹真同贖。繫心風塵不得周。防方神物顯晦自有時。倏來倏去蒼髮爲鬢銜。東市成何用。柄受南風正。倒持我到津。頭空太息沙平水。落秋無跡斗牛寶氣終不銷。張雷已去無人識。

建陽郵館後軒臨水有濠濮之趣

候館層軒枕水隈。拂塵小住一裘裛。蓋頭便作吾廬想。放眼兼令客抱開。秋淨山光排闥入。日斜樹影過溪來。明朝試問投何處。遙指高峯鳥道迴。

秦雲堂詩集卷九

坐月復賦一首

滅燭倚闌久。月華初滿川。遙天無去翮。遠浦有歸船。白露渾如雨。蒼山欲化煙。每逢清影觸。旅思倍淒然。

過建陽

隔水先窺雉堞卑。傍城斗轉路雙歧。亭荒何處尋龍舌。山好緣知近武夷。便合移家住圖畫。料應絕學有留遺。脂韜一宿匆匆去。回首含情說向誰。

南浦懷江醴陵

自古銷魂地。於今尙名驛。我行兩過之。聞名已愁劇。文通去已久。賦語傳自昔。江波不改綠。草色幾回碧。亭臬緬擊汰。河梁想飛鳥。麗句出至情。驚采動精魄。荒哉史臣誣。才盡漫拈管。從景純授錦。任邱遲襄誦。詩憬文采臨。事見風格南。司肅紀綱中。

書炳文册樵薪珥貂蟬艸檄吹膏炙平生慕馬梁同儕邁肥謝
草江封壤猶舊治榛蕪淨遺宅徒傳夢筆山流俗矣足責

道出浦城簡陳士竹

仲由宰蒲密入境三稱善魯恭治中牟仁心及婉變古昔覘治
行目驗在親踐謁來過浦城頗覺風化腴道逢詢父老致答明
且辨浦城本劇邑魯土實沃衍文學江淹遺道術西山闡俗吏
徇簿書隨事甘澁泐催科迫鞭箠輒傳困迎餞庸調屢告勞二
東歌瑤朝賢侯太邱系蓄眼見亦鮮下車詢疾苦保障戒絲繭
三載去復來年深澤匪淺秋穫足困倉春疇脩罅錢解留孳乳
犢戶擾生釐犬繩屬輸課租躋堂有致洗垢筋恥鉤距聽獄無
留獄傳聞登薦牘題輿待高選去轍儻可攀車轄爭下鍵借寇
叫闐闐不憚足重趺我聞屢領循績信彰顯君言無乃私致
秦雲堂詩集卷九

仙霞關

一峯千雲霄兩麓別風氣嚴關雄鎮鑰天遣劔南裔我來陟其
巔肩輿久軒輕罡風翼之升衣袂濕空翠人言左右顧闔越在
襟帶是時天久陰寒日吐復翳曾雲若波濤蕩搖翻大地世界
如陶輪已入三昧戲乃知置身高耳目反多蔽巍祠架中巖過
往客必詣我懶無所祈旁睨聊小憩轉憫僧雛忙香火鬧如沸
一一償其求神惠無乃費緬懷無諸初實取秦所棄建元發虎
符破關始通騎反復屢置棋德薄不遠曾我
朝澤旁魄東西一侯尉關門豁達開刀錐競趨利民生通有無
筦鍵非善閉設險豈要圖慎語守壘吏

曉行

石滑路猶濕朝寒雨欲還糶餽雲氣裏無數米家山

贈江山合馮百史

歲

早從難弟

菊人侍御
余僚婿也

倚葦設今向河陽看種花上考不嘲廳事

竹鄰封先感楚亭瓜

築場務畢農歸壑流水聲聞吏放衙驗取

使君清惠結瀾東偏詠雨隨車

今歲浙省苦旱
江山獨豐收

蘭溪

雙溪合流處淨穀似波痕井邑居人靜江船趁市喧脯逾烏翅
好酒愛鬱金磨薄醉夢回後前峯聞夜爨

別家

三千驛路費思量計日舟輿一月忙
搭影先瞻標密堵鄉音忽喜滿河塘
逢人須鬢驚吾老去日兒童似我長
自笑淵明歸尚暫菊松三徑已全荒

秦雲堂詩集

卷九

聽雨示亦三弟

夙昔東坡愛此聲對牀遺恨負前盟
六年此夕纔同聽腸斷明朝又遠行

到家

山山獸躑躅別林鳥啁啾鳥獸尚如此況我萬里遊
迢迢六載歸卒卒五日留王事有程期征途一何修
北風江上來浩蕩吹我舟揮手自茲去親朋遺道周
洪濤越揚子曾冰積崑邱劈浪有迅杙駭駟無停輶
丈夫忽臨歧官爲兒女羞感念肝肺熱媿此商聲謳

松柏繞荒阡悲風颯蒼昊遊子懸所生銜哀拜墓道當年涕淚
濡草色至今槁根荄恐達泉雖枯曷忍掃寢廬慙未能普墓愧
不蚤齋牛而會祭何如守營北細惟先世烈清芬勉克紹匪敢

絕裾行庶使宗祊保柳珵有遺誠合名以為寶

我生有同氣存三已滅四叔也湘之南緇符分半刺蕭然守環堵最幼憐余季浮沈馬少游實雁門戶寄出入雖不同一體實指臂所愧為人兄不先管丕吏昨宵雨中聲對牀語無寐朔風吹曉晴扁舟催鼓柁仰視天宇遙差池雁行還豈為霜雪移不念毛羽瘁終當投劾歸共卧姜肱被夢詩得佳句讓果有同味好為樹粉檣願言不可棄

丹徒牖

丹徒牖口生莫潮萬艇浮動舳相敲大船起碇爭赴牖小舩競隙紛如逃糧艘魚貫塞京口冬寒水落泥沙膠支流一道勢旁引估舶輳集如填壕是時天畔月霸死黑暗中但聞呼號橫傾檝倒動交碎何似赤壁千軍塵我雖堅坐兀無王生死已付長

秦雲堂詩集卷九

五

年操初牽百丈桅岷岷旋入江溜燈搖搖衛丁歸兌有程限何事歲晚停江皋上遊蠟穴決隄障萬頃一抹成沃焦汜梁不浸僅三板礪石汨沒餘秋毫蛟龍乘秋舞空濶敢以一葦凌洪濤江南苦旱江北潦魚頭雁口同替替水衡金錢出九府羽檄百萬儲芻蕘陽侯之波乍沈馬若水使者方乘輅何曾砥柱能下槌浪說水關修上牢河不兩行古有語如針之水安容刀轉般邸閣渺何處三門舊跡荒菅茅滄瀾浮天不送權杭稻難轉雲帆遙神倉傳殮歲有額六軍脫帽趨連屨繇來漕輓關大計彼何人哉劉晏與刁雍蘭臺白簡太毛舉大和新法誰能條江頭不寐聽鼙鼓愁懷耿耿終寒骨

阻雪

扁舟獨夜泊河滸村僻無由買凍春逢雪瀟瀟殘燭暗此時那

得不懷人。

悔煞蘭橈不暫停。誤人最是玉鈴經。早知阻雪河千任。何似圍
鑪掩閣聽。

登車作

王家營北朝

天路屈指曾經廿一回。逆旅主人善屢換。棄繻關吏識重來。驚
心歲月磨驢軌。驤首風雲樞驥材。自歎勞薪何事業。黃金媿上
古高臺。

過兗州

杜甫題詩處。於今尙有樓。蒼然太山色。依舊滿城頭。高詠誰能
繼。長涂我獨遊。躊躇不敢上。驅馬過昭邱。

道中遇大雪

秦雲堂詩集卷九

六

天公憐我南州任。六載來從無雪處。特呼滕六舞迴風。妝點梅
花千百樹。市樓沽酒傾尊罍。菊簷草舍皆蓬萊。穠穠白鳳徧空
下。徑思騎上軒轅臺。尋常大道塵眯目。驅車頓喜無纖埃。接天
更無獸蹄迹。掠地但有鴉飛迴。羶簾高揭忍寒坐。看曳縞帶翻
銀格。少歲橫舟披鶴擎。揚子江心恣畜賞。中年給事白玉墀。殿
閣崢嶸九天上。當時見之夸最奇。不如此度尤酣嬉。綠蕪當面
化銀海。青山射眼排瑤啤。子猷棹返山陰夕。韓公馬阻藍關時。
不知此景相似否。欲問試與吟新詩。平生好奇見亦吃。對此茫
茫無稅駕。僕夫告汝但長驅。走入玉壺原不夜。

舊縣除夕

征鞍解後僕夫閑。野店蕭條靜掩關。度臘今年清絕處。孤燈風
雪萬重山。

過兗州賦贈盧厚山

天公興逸不可止玉戲翦盡銀河水大千世界盡一白城郭邱
陵在其裏居人驚雪曉開門皓無一物真弔詭破車郭索從何
來車益全埋況車軌轆駒僵立僕御怨強策驚駘試鞭筆担中
藏險那得知一落僂然深塹底爬沙出坎幸未傷袖手高岡目
相視淵明乞食知何門日晡不見炊烟起跬步畫地成狴牢此
身已分溝壑委故人高誼過孫宰忽遺輿徒到泥滓煖湯濯足
招我魂取次迴顏有生理促坐傾觴釘梨栗絡繹中厨送珍簋
手足欲旋與漸豪陽氣浸淫透脂髓嗟哉人生可憐子泥塗咫尺
難自奮浪說追風日千里博山雲湧景龍升濱海風高大鵬
徒丈夫生世未遭逢蓬累而行詎為恥要從利達看經綸豈屑
恩仇勞比擬一勺羊羹徒買襴兩黥馬食真堪鄙多君廣廈胸
秦雲堂詩集卷九

七

揚州

珠簾十里是揚州好泛蜻蜓一葉舟二月江南春水渡一株楊

柳便風流

唐昌何處問瓊花垂柳隋隄噪莫鴉遊女不知哀怨意蹋青齊

上玉鉤斜

名園相倚接平山畫舫笙簫往復還欲訪冶春詩社蹟夕陽一

片土花斑

別故鄉郊行作

濕雲晨開漏微旭薺麥茫茫染空綠江南二月土膏香一雙胡

蜨低相逐十載思歸才得歸豈意歸來如寄宿何必真營負郭
田一蓑便卧清江曲

江山中

古道平蕪接連畦秀麥參綠煙空際滿春色雨中含小住尋芳
舍趨途逐荷擔晚雲如有約一一入前嵐

山行

細草如茵勝織成午薰一路趁山程紅黃瑣碎花無數但是聞
香不識名

浮嵐低弄曉雲輕盡日青山影裏行忽見前峯添黛色春陰更
覺勝春晴

不辨風聲是雨聲客牀一夜夢難成曉來試拓西窗看始悟飛

湍石齒鳴

秦雲堂詩集卷九

度仙霞嶺

還往經時路幾千最高應數此峯巔春殘躑躅紅鋪地徑險負
簞緣到天溟海風煙芒屨底越閩形勝筭輿前驚心忽訝南遷
久寺壁題詩已七年

蕃宣集

送史荔園諱同年觀察宣紹台

目送登仙在此行。臨流誰不羨班生。縱教翦燭談頻數。終悔迴
槎別太輕。蘭葉渚頭津鼓報。桃花洞口繡衣明。惟餘一事君猶
欠。荔子紅邊是去程。

題吳荷屋榮光方伯筠清消暑圖

先生昔時荷葺屋。散髮扁舟弄秋綠。榻來復與竹結隣。清風滿
逕蒼雲皴。一夜春雷攪龍起。脫蛻便上青霄裏。平生愛竹得竹
真。直節虛心亦其比。粉壁蕭蕭十五竿。蕭郎西省初改官。豸冠
峩峩森勁挺。封事幾向甘蕉彈。前年剖符更分節。渭水鐔津隨
泰雲堂詩集卷十

片席別來不見海南春。抽梢定過垞東宅。相思何可一日無。試
摹舊隱成新圖。想見高眠北窻下。清風吹入羲皇初。鳳枝幾換
鸞翎小。風貌頻驚十年老。贈答相看形影神。共證前盟歲寒保
齋顏近。復題可庵湖州墨派風烟含酒邊。鴉文偶展示合我久
夢尋江南我生亦抱子。猷癖惆悵敲門對霜質。湖陰拋却舊漁
竿。舉手天涯障西日。

江南春和倪高士韻爲吳伯人題畫

水香吹空蒲萬筍。燕子低飛綠陰靜。泥衫子怯朝寒。獨立花
風吹鬢影。翠被薰銷象牀冷。鳴玉叮啞轉金井。浪傳青鳥銜紅
巾。有人人去踏東華塵。

鶯聲遲鶉語急。落紅如雨流光濕。翠袖挽春追不及。縣縣千里
烟蕪碧。憐我頻年背鄉邑。望鄉愛向樓頭立。東西迴轉漂浮萍。

問君刺足何所營

海棠聘梅芥嫁筍兩美同時肯孤靜日長午夢初喚迴飛過楊
花淡無影響屢聲銷畫廊冷桃花亂落胭脂井至今遊女紅頰
巾山頭日日吹香塵

宮聲遲羽聲急綠窻指澀琴絃濕棟花吹寒風信及遙天漸展
吳綾碧人生有情易於邑鷓鴣雙眠鷺孤立但能不食楚江萍
浮生何事多屏營

題唐陶山仲冕廉訪松因圖

鼠穴乘車瞰壘杵非因夢想何由成前身合是赤松子餐苓茹
珀潛通靈天白石畔第三樹偃蓋獨記蒼龍精盤盤拔起千萬
鬣其間縹緲開金庭排空似躡鹿盧躡挹袂正值洪厓生忽聞
清嘯響鸞鳳指點似說吾家亭陶山言夢中謂是孫氏園亭成公興館儻有

秦雲堂詩集卷十

例便欲去至夫容城白髮黃門潘榕暈舊相識惜哉問姓不問

名得毋退之自倔強翫不逐神官行使君一別逾十載揭來
海畔相逢迎祖洲未許驄馬蹋郭濟自為溫犀清人間助業未
可棄穀城正恐寒前盟華胥假道盍讓我煩公為寫新宮銘

題荷屋松盤攬勝圖

日觀巖前路盤雲我舊經平看萬松色迴抱一峯青風雨龍吟
合仙真鶴馭停金函渺何處共說禮云亭
君抱九仙骨言登第一峯秋光開列障海色逼孤筇雨駐秦皇
輦雲升漢帝封穹碑猶待補銘字屬詞宗

霽

乍霽微涼入絺衣向晚宜行雲遲憶雨新月澹窺池墮果看童
拾殘尊勸客持尤憐清絕處蟲語喚裁詩

荷屋夢陶山贈詩覺而記其首句曰萬花盈手萬山開陶山足成贈之和其韻贈陶山

夢裏江花筆上開，惠風甘露手親栽。江鄉舊種棠陰在，海國新嘗荔子來。牘判鄒公雲五朵，詩裁希範錦千堆。訟庭響答吟筒捷，始信仙才是吏才。

和陶山原韻賦贈荷屋卽用其夢中語爲首句

萬花盈手萬山開，饋實高秋此日栽。歲失羽鳩商力困，春隨驄馬使君來。竿鞭佇見錢流地，煮爍先令玉作堆。公暇猶聞親翰墨，不教劉晏擅奇才。

上顏岱雲檢中丞

苟合華年督八州，潞公黃髮正宣猷。地崇清德孚羣望，才大虛懷納衆流。英壘頻持天上節，波濤穩泛日旁舟。廿年御李心儀

泰雲堂詩集卷十

三

切此日欣逢夙願酬

艱鉅聞畧夙共推，特煩臥護合君來。藤蕪春滿張嬰壘，瘴癘晴消任放臺。按部隨車梅雨足，課農盈隴稻香開。陳根洗出前秋綠，知是金甌變理才。

一略南州歲七更，指撝初喜奉員程。語民疾苦關心聽，見事艱難破格行。長府藏兵無改作，太倉發粟有常平。祇愁纔向春風坐，催客江頭鐵鹿聲。

時奉命擢皖撫

題三百二十有三士圖

朱竹君先生督學閩中博士弟子來謁者人以一石爲贄先生於泉上壘爲小山築亭其中顏之曰三百三十

有三士亭汪元繪圖存之學廡以識故事

先生愛土如愛石，拜謁真同米顛癡。先生愛石如愛土，品題似

到奇章宅。三山使院西北隅。隙地當年手親闢。巋然一亭坐。詠
詩下瞰蒙泉。理通易。諸峯左右如排衙。玉筍班齊拱几席。三茹
地肺互鈎連。爲霍爲宮爲蜀嶧。一穴透入仇池天。半瓮爭摹華
峯格。磷磷疑有穀城書。落落如逢帝臺奕。想見門前抱贄來。大
小雅材數逾百。小馮君代大馮君。兄弟後先同列戟。遂令海徼
扇
皇風盡變。砥砢成拱壁。五鹿充宗吐授餘。一片韓陵語。堪譯生
遲不識。范希文尙作聚星堂。裏客竭來正蠲羊曇悲。到此還思
謝公履。風輪小劫。鳴已飛雲棟。重新鳥斯草。後來好事錢與汪。
補石繪圖存勝蹟。君不見奇礪石。徙華林園。獨向秋風。臥苔碧
何如。細數小亭前。認取先生舊題額。

題畫留別趙穀士

泰雲堂詩集卷十

四

秋赭螺江兩岸楓蒲帆一幅挂西風。知君對此應相憶。一路行
人在畫中。

題陳秋坪畫留別陳恭甫

買得鄉山更贈君。幾間蒨屋任斜曛。謝公不爲蒼生起。因戀山
頭一片雲。

泰雲堂詩集卷十一

金鎖 孫爾準 平叔

皖公山色集

發福州

揮手謝三山去棹何夷猶浮屠不三宿矧我八載留父老舉別
 觴遮道擁輿騶殷勤感爾意尸素增我羞此邦雖海隅緊昔號
 魯鄒太息吾道南淵源遡楊游考亭大其傳見知逮陳劉伊誰
 變風尙斯道如綴旒詎許起箕帚失德滋乾餱睡背動成爨白
 刃起相讐椎埋及胙篋夜壑無藏舟為尋厲階始豈盡民之誅
 中牢感捕雉郭海禁佩牛從令如轉圜要在慎所投摘伏矜銜
 箚記籍等張眾繇來忠信薄吏道實已媮況乃雜多端不異冠
 沐猴訴謀慘切膚百呼不一酬冤憤奚所泄相與尋戈矛殺人
 泰雲堂詩集卷十一

無王名瓜蔓爭旁搜計窮付一炬累棟為薪爨司牧果何謂曷
 不念求芻蕘與和鞅靡此閣道鞅未流禍益烈隱抱蒼生憂
 為治審所尙此意速置郵置臣有封事駁駸駸其尤頗聞鄧傳

安李慎奠杜紹祁政與蕭薛儁今茲幸時若歲事書有秋卽看
 近郊坳禾田綠油油孝弟本力田努力事耕疇秀良厥惟土薪
 傳紹前脩我將謁

承明獻此千蕙謳贈言志臨歧聊當木鐸道

建江

建江雖名江其實乃溪澗巖石墜山麓奔流出其閒駛雨匯眾
 壑雪浪舞鵬鷗舟石相錯磨摧敗見已慣紙船鐵梢公諱過此
 安敢謾下流勢益捷其涸不盈盼茲來秋水縮插腳未沒鼯篙
 檣無所施介石如臥轍是非畀有力陸行豈能辦招招走狷狻

競用一繩綰。謹齊衆力聲。酸雜鷺雁犖。確進未忍板。裂縫先
綻前峯隱。西日束手委。葭亂仰視山。叢叢無計防。虎戲地荒少
居人兼恐暴。客覲警柝坐。宵深安免僕。隸訕垂堂洵。足戒魚貫
走。商官來者猶堪追。事往不可諫。安得巨靈力。疊嶂一朝鏟。平
波綠如油。舟行永無患。

吳荷屋以錢叔寶畫卷贈行韓樹屏唐陶山皆有和章依
韻奉酬

離心一夕滿榕城。愁聽江頭鐵鹿聲。宦海本來無任著。他鄉預
想得逢迎。西湖訪古頻攜酒。南陌班春共課畊。正擬題襟追漢
上。繁裾無那重行行。

妙繪欣看割贈時。句中山水興方滋。丹青神化君何忝。邱壑欽
崎我自知。妙手康吟聲善繼。同心憫悵路偏歧。相思正似龍標
秦雲堂詩集卷十一
月夜夜清光到海湄

別家示亦三

歧亭挂席趁斜曛。惠麓流泉一道分。出世自知爲小草。還山未
果是癡雲。茱萸漸近登高節。粉楨真慚薶墓文。明日相思京口
樹。雁聲江上怯初聞。

發淮安

積雨經旬向曉收。西風獵獵卷樓旂。鴻來江上人初去。葉落淮
南歲又秋。國計舳艫方轉漕。地形滄海欲橫流。津通南北矜喉
最。擁節何人築上游。

順河集隄上作

十日清江聽雨聲。泥深改轍上隄行。檣籬茆屋荒秋色。疎樹明
霞晝晚晴。白髮那禁催遠道。青山何處是歸程。祇愁銷盡輪蹄

鐵終負平生攬轡情

易水

易水訪遺館終古風蕭蕭欲呼荆卿語魂斷不可招當年此地
征車發悲歌上指衝冠髮可憐壯士空摧殘田光已死於期沒
生劫計本迂事與柯邱殊却思句踐語劍術無乃疎要知祖龍
有天祿沙邱未到國未覆無成豈是荆卿獨君不見子房椎漸
離筑

徐州道中

子月南徐路寒威避午熯淞輕粘處濕水薄近邊消郵飯煖常
早山程問轉遙黃樓渺何所隔岸浪聲驕

對雪懷書農

窗生虛白啓關遲糝瓦無聲悄未知酒醖凌晨如有約梅花昨

秦雲堂詩集

卷十一

三

夜正相思潤生隴畝翻犁後清絕溪山放棹時忽憶聚星堂裏
客與誰曰戰鬪新詩

梅花

曉起衝寒覺有情野人籬落已春生粘苔最愛孤柯老照礪剛
逢半樹橫肯爲花繁教格損轉因雪壓得香清孤高心事憑誰
說分付樓頭玉笛聲

題陶雲汀

前輩皇華集

踪跡平生遍九州賸憐未上錦江舟題橋媿我無才思擁傳輪
君紀壯游濫瀕浪花千尺雪巽眉山月一輪秋青蓮玉局搜難
盡併作清光筆底收

論詩誰是出羣雄當代推袁屈指同岳色河聲元制誥金鳴銀
涌李崆峒烟花正好少城日香草仍餘大國風想見碧雞坊底

路掀髯豪咏對郵筒

新正三日雪後偕秦若木

海樵

亦三阮俞入署後小園

園荒饒野姿雪後益蕭槭飯罷招賓僚聊當問阡陌履碁埋前塵何從覘行迹委深欵花當積重偃藤格菜畦窈窕青葢池湛涓碧虛堂夾兩窻蕭然坐無席寒嚴直闕簾灑急糾入隙渾忘歲華新不省都使宅恍疑泊孤舟葦村澹將夕歸來思小酌軟脚試煖客酒清正堪沽蔬凍猶可摘微酣吐新詩清寒出肝膈

題陶雲汀方伯漕河禱水圖

狐風過處頗黎凝前船後船爭打水水聲沖沖椎不破黃頭十日湖干坐督漕使者天上來精誠一禱蛟宮開靈風颯然旂脚轉青雲神鳥香未灰銜瓦蒲帆占利涉明日依然冰復合可知正直能感通真見神功昭響答歸來封事陳

秦雲堂詩集

卷十一

四

九重電光五采天開容赤稜廉車問風俗碧幢分陝甦疲癯疲癯滿野苦河伯併泗吞淮成大澤知君胸有河渠書要看手定平成策玉堂十載空相思竭來差喜相追隨試題風雪松年畫

劉松年有風雪運糧圖見曝書亭集待詠澶淵河復詩

題許廉舫感六圖

解組香山入社時曾從蓮社識須眉何期十載披遺像重認當年海鶴姿

真正面目

楓葉蘆花暮渚前一燈閑對話纏綿夜深不聽琵琶語莫認潯陽刺史船

雲帆夜話

夾道春風笑語聲相逢爭說長官清莫嫌騎從山城少自有村氓管送迎

輿歌洋溢

紫澗瀾迴岸欲移天風蕭颯響枯枝不須更鼓成連曲猿鳥哀

嗚在此時

潮以風聲

皐魚雪涕浩難收。父老情深挽不留。玉帶江邊萬行淚。平添波
浪送歸舟。

風木增悲

一片輕帆遡急流。難迴迳石鬱林舟。至今人過沈香浦。尙有遺
民說故侯。

韓江挂帆

題曹夔音摹趙松雪畫樂志論圖

陰陰桑柘圍一村。菜花爛漫明籬根。籬邊旭日散雞豚。溪流碧
玉沙氣暗。其間風氣如桃源。房櫳窈窕開層軒。比隣過從若弟
昆。朱陳男女相婚媾。男好書詩情所敦。女事蠶織親繅盆。樹頭
曉聞布穀喧。叱犢一犁春。雨翻歸趁樵風浮。釣輪纖鱗挂餌酒
盈罇。人間此景知何垠。云是無聲樂志論。粉本流傳趙王孫。曹
君摹寫亦虎賁。古來賢達慚素飧。有突不黔席不温。先憂後樂

秦雲堂詩集

卷十一

五

志則存胡爲寄愁。上紫閣又欲地下埋憂。煩當年發憤陳昌言。
參軍上謁丞相尊。快意論說空吐吞。何曾下澤乘歸轅。人生奚
似鬪處禪安得。脩然謝籠樊。我陵世網索絳跟。違已交病情駿
奔。芙蓉湖曲黃步墩。杞菊雖荒餘取垣。青山鬱鬱波沄沄。桑麻
鋪茶嘉蔭繁。豈知此圖日在門。翻因觀畫懷故園。蕙帳月落勞
夢魂。猿嘲鶴怨徒驚鷺。題詩太息手自捫。

懷孟令陶竹侯

法

重修唐兀忠宣公祠索詩紀事

舊是提軍百戰場。至今忠節尙名坊。乞師莫援孤城陷。湛族空
餘一水香。祖逖曾傳留赤允。桓彝爭說祀丹陽。七年想見登陴

苦潮咽山根落日黃

小孤門戶似當時。憑吊猶合異代悲。埋骨崇邱齊泰岱。握拳遺
像凜須眉。睢陽何似雙忠廟。劉尹重修至德祠。我欲增摹危太

櫟履聲如聽到塔墀

送劉孟塗茂才

開王講當塗書院

名字何慚柳仲塗，向君便合謫仙呼。
錦袍客去青山近，白雲樓高彩筆孤。
交誼一時傾沈范，詩名少日滿江湖。
笙歌馬帳生徒擁，大雅風輪待爾扶。

關伍雲汀前輩以詩贈行，依韻奉答

速藻催成字濕鴉，句諧鏡吹聽傳譁。
封章臺閣劉中壘，師事營門李左車。
風勁弓聲穿柳葉，林遙馬色雜桃花。
卽看芳草連天碧，已覺春隨別路遐。

曉晴肄武用前韻

牙旗霽色閃金雅，菱舍帥行靜不譁。
平邏柔茵堪跋馬，過橋新水欲漸車。
時清脫劍無橫草，令肅威弧有插花。
張弛繇來毋忘戰，靈臺節制極幽遐。

秦雲堂詩集卷十一

六

道中春陰

凝望層陰莫復朝，濃春氣候轉蕭寥。
雲停不爲鸞簫邊，花豔空禁羯鼓消。
黯黯山摹昏壁畫，沈沈人入夢天謠。
征衫換後餘寒在，蹋遍長橋更短橋。

盱眙

都梁南北阨，雄鎮傳自舊。時平不設險，城櫓無遺構。
近治少居人，坡陀豁其右。陽焰下平原，花光紛錯繡。
鳳聞第一山，海嶽賞斂瘦。下有頗離泉，放翁所盟漱。
興發趁餘暉，到寺烏棲後。捫蘿認殘碑，秉苜關巖竇。
少焉東月升，憑欄攬羣岫。梁澤渺無涯，夜氣益迷冢。
古來百戰地，盡爲湖所囿。緬懷楚漢間，建號此稱首。
戰爭逮六朝，風塵困龍鬪。佛狸卅萬師，解甲終北走。
爲徵百雉

憑足勝萬夫守伊誰感譚言一朝罷封侯往事逾百年陳跡安
可狃當師偏陽堅莫恃莒邦陋

燕湖僧寺偕侯貞友看牡丹

此會非前料招提共倚闌才奇真賞少花豔欲開難選勝驚春
晚偷閒惜暫歡明朝又歧路衰鬢立相看

道光壬午監臨江南秋試題試院壁兼簡王試穆鶴舫少

農彰阿徐惺菴編修士芬

鵠立門前萬白袍姓名唱入曉雲高青霄此路通仙籍紅燭連
宵豔綵毫設次特隆多士禮旁求應慰

一人勞迴思釋褐如前事十七年來媿濫叨

才數由來數此邦戰酣萬蟻書方長媿非昔日登龍客重到今

朝選佛場余擊京兆鄉試未入南闈桑梓匠成翹國秀斗牛星朗聚文昌邀

泰雲堂詩集卷十一

君更續霓裳詠故事煎茶有和章

至公堂柏衡鑑堂桂用壁間卞雅堂太守旗韻

蒼柯鬱輪囷翠葉細磨錯初疑兩龍龍風雨奮鱗角本是巖穴
姿移根得所托直榦勝棟梁自反固不縮欲就明堂材那辭匠

人琢

分種自月窟吐花領秋光豈無蓉與菊少此萬斛香高從吳質
倚名借邠說揚清露莫狼藉攀援惜芬芳我歌招隱篇小山意

何長

頴上

頴亭風物起人思斜照垂鞭斥堠遲馬鬣草迷齊相冢龜趺石
泐晉賢碑川塗浩蕩長終古石隱蕭寥又一時明日經過天柱
下更從抱朴訪遺祠

潁州示劉海樹太守珊

莽莽平疇徹四垠古萊形勝此中原帶牛佩犢風猶在飯豆羹
藜怨久吞差喜強宗亡灌氏可無循吏賴馮根要知黠馬須銜
策寬猛從君仔細論

舊說頗離十頃鋪幽尋何處覘西湖蒲搖翠浪無涓滴對合蒼
雲有積蕪開鑿正須資鄧許風流好與繼歐蘇若教黃鵠言終
復坐遺秋光似畫圖

為蔣小榭

志伊

題其祖心餘前輩攜二子遊廬山圖

斗南秀出九疊峯藏園一叟靈所鍾頭白歸來讀書處故人真
面欣相逢著脚初支草堂杖到耳已聽東林鐘珠璣滿懷惜不
得青玉峽飛雙白龍我生未識藏園叟忠雅堂詩都上口當年
曾放鄱陽船五老雲中枉招手窻裏何來一片雲忽從圖書逢

秦雲堂詩集

卷十一

八

匡君吟聲似夏漱玉響筆勢直自香爐分畫裏監輿問誰舉蓮
社淵明有遺譜大兒孔文舉小兒楊德祖洵軾邁過成一家風
雅流傳自千古試論詩格真堂堂縱橫一代誰能當隨園甌北
雜調語竹葉庵客走且僵豈如西江衍宗派一瓣自蒸涪翁香
今歲曾過桃葉渡到公石仆蒼山路蘭陵茂苑亦荒涼那律飄
零舊書庫一卷丹青手澤存攜來正有清門孫紅雲尙憶炎州
冥白雪重逢古皖尊憐君飄轉如秋籜歸舟好叶桑東卜瀑流
山帶日當門紅雪樓中抱圖宿

陳學博

所應

以其祖文莊公

詩帖

屬題卽用文莊原韻

田歌歸去換新腔老瓦盆應勝玉缸削簡請誅長樂覽杖藜還
訪鹿門龐象賢詩禮留遺澤司直聲名冠舊邦片紙鐫瓊徵世
守米家船裏詎能雙

題攀轅高爲朱恕齋士達明府賦

父老扶藜婦攜幼夾道擊盃遮馬首使君將去挽不來怕聽五
鼓紉如叩憶昨使君初下車異事喧傳在人口削迹宵聞瘴使
逃渡河曉見於菟走火急不用蕭監符醇旨何如建康酒手摩
疾苦到瘡痕默化囂凌及箕帚滋培好種宮牆槐采擷重塞頻
池芻方期築館關翹材太息歧亭歌折柳我從藩伯悉君賢表
率方資活國手披圖此日識輿情借寇何堪閱時久還汝使君
莫怨嗟竹馬刻期迎衆母

道光壬午十二月二十四日立春得雪陶雲汀方伯用東
坡尖叉韻賦詩見示依韻奉和

今年梅早逗香纖度臘寒威未覺嚴吹律乍回金竹管漫空忽
撒水精鹽占豐氣免滋青龍待伴光猶積畫簷輪與瑤華吟句
泰雲堂詩集卷十一

九

好春風先入兔毫尖

剡水何煩銜尾鴉汗邪定見滿篝車裝梅恰趁迎年節潤麥能
開稱意花聽到郢歌難屬和醉來司命是誰家相期歲晚清無
事來對芭蕉展畫義時約讀畫

泰雲堂詩集卷十二

金鑽 孫爾準 平叔

迴樞集

舒州道中題汪艾塘前輩詞集卻寄並以志別

十載重逢鬢各斑蛾眉猶憶舊同班經師人識劉中壘時方延王敬敷

院樂府家傳晏小山以曾甫存南先生詞集見貽一卷蘭荃皆有託中年絲

竹更相關愁歌潭水桃花句遠別無由得共攀

菜花和陸祁生繼翰

裊腰棋罨任縱橫無數金鈿委地輕黃蜨飛來三月莫青山圍

裏一村明桑麻好共資生計桃李何堪鬪豔情太息英雄成白

首攜鋤歲歲見開榮

徐州

泰雲堂詩集卷十二

戲馬臺邊俛麗譙亂山合沓湧迴潮氣消龍虎升雲黯河徙龜

鬪挾浪驕雉堞千家沈坎井虹隄一道巨烟霄分流要殺支祁

怒莫認熒湖是沃焦

滕縣

幾戶殘黎書掩扉田荒道蕪井疆非草根枯斷麥無種春色欲

歸何處歸

廢寺

破寺無僧任山風自掩門博危懸墮板草長沒積垣白書神龕

暗黃昏鬼語斂可知與廢感不獨給孤園

題驄馬圖

嘉慶十有八載奸民李清作亂

上還自

西陵次白澗聞變

命金吾師先還都戡定之師御驄馬自辰達午馳百四十里後

騎莫有屬者其後馬死師繪圖命爾準賦詩紀其事

執策休嗟世無馬所惜良材御者寡虞阪前頭試一鳴墜地房
星光照野青驄一匹信有神歛見地上行騏驎吾師得之濟時
了馬是天馬人天人紫蛻慧空長十丈夜半傳烽達

行帳辦賊誰提鐵騎行摧鋒特撤金吾仗奇材自昔觀臨變此
時驄馬來如電草頭一點絕塵馳後騎回頭看不見試數郵籤
百卅程漏刻已達長安城將軍共駭從天下鞭鐙俄傳奏凱聲

我聞青海流沙裏青驄種自波斯徙隋書吐谷渾有青海周圍
入海因生駒日行千里故特稱青海驄馬安西都護舊有之杜老題詩聲價起乃知

此馬毛色同赭白渠黃安足擬成功能與人心伏櫪猶懷志
泰雲堂詩集卷十二

千里玉山之禾醴水泉功成惠養隨所便青絲絡首儘堪老風

鬚霧鬣飛上天奇勳勅畫麟閣上駿足物化華陽前要挽銀河
洗兵日不數太乙登歌年帷蓋猶存主恩厚特為寫真傳不朽

憐才盡識張公心妙畫還逢曹霸手開縑卓立生長風九花虬
合從令公漫說驍騰託生死可知駕馭須英雄吾師愛馬如愛

士邀我題詩淚如洗臺上誰酬郭隗金烈士徇知亦如此

出都留別晴芬時方知貢舉

奄忽三年別邇迴萬里程連牀纔一夕橫策又孤征少伯浮鷗

水天隨射鴨城何時尋舊隱同作拂衣行

樹巽君宜領巍科眾所欽扣簾春貢集圍棘夜堂深席帽懷前

日冰壺鑒此心獨憐相隔絕無計話離衿

德州與刺史馮旭林春暉同年小飲卽別

德水經過熟籃輿及曉瞰河流糾繞郭樹色遠淨村刺史東方
騎郵亭北海尊侑侑旋惜別懷抱未堪論

東平道中

寒食清明數日間醞寒殊未覺春還枯楊繫馬旗亭坐憑仗村
酷一解顏

解驂

解驂欣暫息僕被復何求僕僕頻年慣棲棲一夕謀燈花然客
夢鐸語碎鄉愁不待聞雞起星光照野稠

曉行

疏濕襍衫趁客程星光忽墮曉光生不知重疊山無數誤認橫
雲一堵平

晚宿陰平

秦雲堂詩集卷十二

晷影催行疾鈴聲怨路長荒村儲暝色高寺得斜陽漂梗知胡
底勞薪黯自傷真成憂道長一倍惜流光

過無錫

故里翻從驛路經鄉音入耳喜初聽推篷却怪寒山色每到歸
時分外青

忍草菴尋舊日讀書處

舊隱山深處重尋卅載遲苔荒棲鶴巖松老挂猿枝畫過孟中
粥題殘壁上詩雛僧頭欲白曾見付衣時

陳香谷中丞胡書農學士招同瞿花農別駕許君修上舍

兩中游西湖別後賦簡書農

屢從西泠過不放西泠棹豈遂乏勝情相偕少同調昨宵喜不
寐折簡得佳召際曉檐聲喧清遠天所媚兩師詎能沮決去似

黃鶴招招瓜皮艇游泳隨所造西湖似西子濃淡並娟妙畫手
李將軍金碧爛相照新彙出巨然烟雲變幽峭汗漫湖流深欲
鼓水仙操茶香定羹滷酒醖深盃醕與適忘主賓誼嘲開吟嘯
抽身羨君等歸隱雜屠釣學士焚銀魚南咳承色笑閑門嘯馬
糲送喜泥金報書農哲嗣成進士掉頭如不聞冷行避榮鬧媿
我猶官身王程迫長道畫鼓津頭鳴離思攪風蠹題詩一寄君
息壤盟終約

建德

七里瀧纜過雙流水又分灘清深見石山淡遠疑雲姓氏猶存
郡萑苻舊駐軍古今棲隱地陳迹亦紛紛

卽陸

從宦少閑日閉轉在行路旣謝簿領牽頗適歌吟趣舟居便流
泰雲堂詩集卷十二
覽書史如逢故讀罷好山來賞心隨所遇興至具壺觴醉醒忘
朝莫何期灘漲縮牽挽不得渡改涂卽陸行嚴程急須赴尅日
約期會計里間亭戎轉旋一念間靜躁改其度緬惟古達人心
本無去住倉皇竟何益定力媿不固翹首望太虛微雲澹容與
我心與之同忙閑兩無處

江郎石

連宵雨決漏際曉山獻晴江郎吾有舊披霧來相迎差肩三片
石了了槿空青諺云此最吉攸往途咸亨我聞竊自哂俗見真
癡論退之無妄希衡岳難爲靈內斷吾已久安問筭與筵遐瞻
霄漢上離立何崢嶸白雲出其下纖絲不相縈示我立身義此
意良可銘石交儻許訂寄謝三弟兄

南岸

有輿南岸路觸熱度重岡小住弄谿水微雲生午涼瀾甌茗葉
緣縛架松毛香惆悵未能去其如山驛長

重至閩

洪塘浦接竹崎關舫艫輕舟屢往還一港甘棠懷舊事十圍官
柳感重攀民風鶴鄰犀渠古生計藜藿飯芋艱濱海曾傳鄒魯
俗挽回何術媿衰屨

爲陳恭甫題高宗呂見于圖

宗呂名徽

君不見求仙好客淮南王金牀玉几霽秋霜九仙棄之如脫屣
來騎赤鯉凌雲翔又不見無諸九日平臺上釣竿下擲滄波壯
神龍一去杳無蹤猶傳遺跡留青嶂我來訪古情如何治南一
枉峰嵯峨飛鴈行高海氣滅魚鱗瓦積寒烟多馭風已陟鼇峰
頂更喜衙齋俯清景斧斲麻皴畫不如莫靄朝霞心自領正愛
秦雲堂詩集卷十二

卷十二

五

看山若看畫忽驚見畫如見山見于一圖誰所作髮仙筆力追
荆關楚葭短牆秋漠漠丹黃雜樹霜娟娟想見呼童掃山影畫
稿正落衡門邊興到拈毫恣揮灑斟酌濃淡分清研玉堂仙客
陳夫子愛山愛畫入骨髓名山近在卷簾前妙畫還藏伏梁裏
晴窓暖翠方細縵山即畫耶兩莫分安能蒸熟香温候布鞵青
鞋一訪君

爲陳恭甫題沈石田畫五真園亭圖

圖爲寧德陳字作字時清莆田林尙書俊爲作記所
謂五真者山水有真樂詩書有真味吟詠有真趣游觀

有真境生平慕真隱也圖爲吳筠清廉使

榮光

所藏陳

恭甫太史以爲闔中堂故不當他屬以石田畫蕉卷易
之屬余作詩

石田作圖如作記象外蕭寥得其意向書作記如作圖歷歷亭
臺眼中真五真亭子誰所名傳是時清栖隱地温廬涼陰費經
營莫泮藥畦隨位次蓬萊咫尺在人間軒冕泥塗真脫屣頽垣
賸礎何處尋范水模山餘墨戲筠清玉人今倪迂玉躡金題貯
清祕此邦舊物情所敦楚弓楚得言堪譬更循故事學東坡銅
劍仇池相餽遺憐君真作二豪爭媿我難爲兩邊騎巧偷豪歎
竟何爲過眼烟雲亦如寄佳話重添翰墨緣更與作詩傳好事

題黃瘦瓢畫瓶花

臨汀峰尖如畫筆俗諺云占畫師出李交以後數官周刻畫頗
嫌非野逸瘦瓢山人乃其徒一變師法殊形模曾類仙人羨門
子須鬢蕭颯如繩纒有時弄筆寫花蘼墨渴毫枯神理在鮮妍
不似黃筌圖潦草猶存白陽派此幀瞻瓶花一枝試問花名誰
泰雲堂詩集卷十一

六

爲朱芝圃都轉題瀛館集仙圖

英煦齋師乾隆癸丑入詞館仿西園雅集遺意爲圖編
寫同歲館選諸君各肖其貌命爾準作記此嘉慶癸酉
歲事也道光癸未芝圃重摹此圖屬題距館選蓋三十

年矣

西園雅集圖龍眠名筆正藉名賢傳寂寥千載誰嗣響綵筆重
寫瀛洲仙選仙喜值右文日聯袂白日升青天人才數逾武德
歲躔紀閣合蘭亭年吾師好尚抗古昔寫真各肖人差肩就中
都轉拊石坐抱剌似吟梁甫篇重逢赤奮忝通籍修後輩禮投
名箋圖中強半接讌談一麾君去三山顛却從圖畫識丰采獨

驚魁疑精神全聚星堂前命作記媿無筆力追米顛豈知後來
此合弁彼此兩扣螺江舡相逢翻似舊相識依然鬢鬢美且鬢
玉堂回首在天上各有舊夢尋花甄明時最君好宣力中外敷
厯才非偏買琮車前更御贖劉晏馬上仍竿鞭權時事丹青豈
獨夸藝苑助業要看圖凌烟胡為題句忽惆悵思欲歸隱嗟無
田試論往事三十載圖中人物方聯翩內直綸扉外旌節文章
經濟排前賢君於其間洵傑出疏附未知誰後先我詩屨劣何
足道聊紀巔末陳因緣他年更續香山繪上遊

睿藻褒彭錢

是歲仲秋
冥十五老臣賡歌圖繪

皇上幸萬壽山玉潤堂錫
御製詩序事

題顧晴芬水竹柴門圖

人間何處無水竹翻向畫中思
僦屋舊廬拋却蠡湖濱門外
篔簹森似束燕山雪片一冬深
銅溝凍合風攪林此時訪戴
蹋冰

泰雲堂詩集卷十二

七

去一竿兩竿無處尋知君夙抱子猷癖
腕底琅玕動千尺歸去
空懷獨樂園興來自寫郎官壁
壁上蕭蕭玉幾叢柯山溪上清
陰同白雲迴望親舍遠青雪記
映書燈紅思歸久未成歸計更
繪新圖寓其意作圖寫形記寫
心我未見圖先見記六千里路
邀我題豈知我俗不可醫綠雲
深鎖子規喚十年不到梁清谿
因之夢繞梁谿曲翠鸞照影春
波綠但使扁舟放溜行人問何
處無水竹

為朱芝圃海喬弟題鷺塘耕圖

鷺塘其
先壟也

生洲舊說青鳥卜營兆今逢白鷺
塘分馬鄭西齊擁節椎牛京
兆看還鄉簪山蘿水圖逾好弟
餉兄耕願未忘回首西風一行
鴈又隨夕照過瀟湘

題先師大庾戴文端公松下納涼小照為崑禾太守

嘉穀

賦

曾陪杖履日華東遺像重瞻自阿戎入畫雙松標直節微吟采
殿和薰風九原可作懷隨會一鑑先亡惜鄭公司馬當年留故
事欲摹萬本倩良工

爲崑禾題其尊甫石士太史畫竹

當年蘇晉學逃禪清節還從贊譜傳脫却錦綉消幾日鐘龍頭
角已嶄然

說法曾參玉版師抽鞭都發向陽枝篋中留得凌霄節奕葉清
風似舊時

爲崑禾題其祖貧圃先生幼時圮橋納履圖小照

子房昔避難匿作圮上兒一朝借前箸尊爲帝王師生從赤松
遊歿共黃石祠平生出處意曠古無人知千載有大僕異世同

秦雲堂詩集卷十二

心期袖中活國手不炫陰符奇固卿實冷官生未竟厥施堂堂
文端公肯構荷門基運籌策帷幄作亭號論思至今談相業救
時屬元之要知臺鼎器出自弓冶貽我遊文端門自恨生已遲
黃髮未及覩况乃垂髫時何期山頽日獲覩天人姿緬惟學道
旨後先實同規乃知崔桃簡學王得毛皮傳家抱遺笏何似甘
棠枝辟疆不足慕贈子三槐詩

題朱芝圃海上受降圖

消息俄傳聽轉驚盈廷議築受降城漫言困獸猶思鬪已是窮
魚欲就烹次幕人多疑結贊單車誰肯造張嬰書生自有包身
膽鯨穴從容掉臂行

弄兵幾載沸潢池應悔回心面縛遲解結欣逢周代綱相攜羅
拜狄君碑爭先積甲齊熊耳從此包戈用虎皮碧澥磨銅人把

未而今樂利問誰貽

飲薩正庭兼阿將軍水閣

興追河朔一尊同
鈴閣窻虛面面通
燈外豆花清照雨
水邊薤葉細含風
投驍未減從軍樂
揮扇如逢畫渡雄
耳熱愛聽談往事
磨崖功績紀西戎

耳鳴

內省慚陰德
疑來空役城
作勞非鼓角
聽瑩失韶英
潮響從何入
蟬嘶不斷聲
無妨任嘲罵
君莫笑臺卿

李茂才

華清以其祖藜園刺史書秋山行旅圖屬題刺史

卽鄒齋方伯之父也

青山巖巖雲溶溶
茆茨掩映霜林重
苔磴縈紆下復上
隱隱騾綱鈴鐸響
山迴水轉幾日程
石梁坦迤趨孤城
沿江秋色正瀟灑

泰雲堂詩集

卷十二

九

洒葦葉荻花無限情
山川信美知何處
彷彿松陽門外路
使君點筆寫清暉
樓頭目送孤飛鷺
南山高高章水長
圖中有樹皆甘棠
營邱劇績詎堪比
李成有秋山行旅圖藏宣和內府
魏公遺笏同珍藏
生遲未接青籐杖
潯冲郎舍逢清賞
遺民爭拜冶南祠
鑄金更肖方平像
無齋藩閩有惠政聞人為立祠烏石山下

登烏石山

初陽在其東
落景在其西
登巔見百里
秋豪攬無遺
睥睨倚山麓
人煙聚埃壑
墜平臯散村落
青黃閒稻畦
合沓峰四環
蒼玉屏風齊
大瀛絡其外
遠碧澄琉璃
璃情無一把
蒟當頭
陰秋曦
舉頭空八荒
棲身悵無依
靈龜伏巨石
剎苔認前題
惆悵古人遠
歲月如飈馳
因之懷太傅
流涕岷山碑

盧栢香明府以李鄒齋方伯楹帖草葦屬題

魯公論坐藁魏公楓落詩殘碑重金薙片語珍瓊枝况乃道義
交生死心不移方伯去已久手跡留赫蹠盧君緘示我草匱十
襲緹楹帖兩行字頌語中含規澹墨老瘠竹慘如見容儀心欽
盧君賢寶此如銘彝當時慕登龍握手聞誓詞反眼不相識下
石何人斯我昨訪宿草澆酒思賢碑迴車感腹痛誰語猶堪追
心傷念往事會君更語誰我有一尺書引決時所貽揮淚不忍
看篋中藏弄之何年彙遺筆勒向懷德祠

歲莫寄亦三弟

臘鼓迎年候欲分草堂回首愧移文西隣歡樂輪東老辛菜杯
盤憶卯君有約對牀同聽兩相思倚杖獨看雲何堪短景將闌
裏空外驚寒叫鴈羣

題朱梅崖

仕秀畫像圖中有梅鶴

泰雲堂詩集

卷十二

十

梅崖神禪工屬文幽躡月窟穿天根渤澥迴瀾山出雲無窮變
化生清新雷琅下鑿龍門垠貴從慘淡含古滄蛟龍變角揚著
鱗曳以獨爾詹何綸劇肝鉢腎追韓門趁趨皇甫駕李孫其人
已古文長存我昔獨遊訪熙春山空翠窈不見君鵝谿一幅誰
寫真嶽嶽氣象清而温大韶都紵華陽巾曷不劍珮圖麒麟蔡
杖天祿雙皇墳區畫南董書體分栖栖現此儒官身簷花夜雨
燈翳晨屋低打頭氣不伸堦草書帶空續紛漫夸青鏤管有神
覩抉元窟披隱淪如蟲嗜苦蚘辛苦枝挂月鶴在陰畫師寫
此非無因清文一卷冰雪痕胎仙獨立超其羣蕭寥此意誰可
論作詩一笑君應聞

題謝退谷

金鑿

廣文畫像

陽城領生徒歸省一夕偕安定在蘇湖教授設兩齋誰云校官

軍人師實模楷茲邦考亭舊道岸知有涯何年變風會掃地及
槐街投閑不自重老物煩推排遂令華陽市五里成昏羅夫君
洵挺立骨豎金剛柴冷官坐無旣敗壁篆凝蝸春風拂蒼蘚蚬
螻飛上階壑鹽甘送老食菜無珍鮮我來不相值蹤跡參商理
猶欣睹遺像百體無媚骸簡珠墮沙石處俗安能講一卷治法
論去疾搜根荑注論補齊魯精粹無可差俎豆賢人間鄭君實
其儕謂廣文兼才清風起頑懦庶慰平生懷

昭文朱氏女幼字秦汝楫未嫁而秦死女聞爲絕命詞雖
經遺囑以尸還秦嘉其志爲詩志之

林蘭近雪開質潔香逾酷本性賦畀殊豈顧驚衆目聞名當始
笄女身已有屬衆人國士衡報施兩袒何殊效齊俗琴川有女
纔勝警弱齡能誦女史箴香纓甫結所天隕並命甘作青陵禽
秦雲堂詩集卷十二
宛轉南枝夜深繫粉書屬付尸還陰豎儒目短眩奇節持撫爭
持禮經闕雲書龍篆石作坊定論煌煌昭尺一噫吁噓春蠶未
死心已灰撫孤立後徘徊完身矢志在一決容婦羞說懷清
臺

梁茵林章鉅觀察陳臬吳門菱舍滄浪亭吳中人士繪圖
紀事茵林寄書屬題時高堰決口茵林還淮董理其役故

末二章及之

頻水東頭得地偏雜花修竹故依然紅蕖綠浪一千步明月清
風四萬錢鴈詠尙傳長史舊風流誰繼至和年莫言勝跡因名
跡直恐前賢畏後賢
東方千騎帕刀迎遙指花間識繡旌吏散江湖方在眼坐深魚
鳥共忘情西山爽氣朝捲笏南浦漁歌晚濯纓從此甘棠無翦

伐清陰人記召公行

迴車初返大淮濱消息驚傳蟻穴新羽檄三千催判牘芻芟百萬待徵新武鄉撫扇真名士文度圍棋信可人大事由來須整暇看君隻手障波臣

吳市簫聲海上琴相思各有故園心三春積雨桃榔暗一夕驚濤瓠子深砥柱中流期作鎮雪霜滿鏡欲抽簪重遊定識非生客畫裏偕君仔細尋

醜雪

醜雪同雲凝靛不流陰簷短唇去方道耐寒梅意矜高格覓宿禽聲訴莫愁白髮人間無大藥綠萼江上有扁舟海天望裏情何極鼓柁終期汗漫遊

試茶

泰雲堂詩集卷十二
小摘靈腴滷露鮮山僧寄到手親煎銅瓶響沸松風裏玉銜芽分穀雨前味滑全消玉川睡香清欲破趙州禪啜餘根觸鄉心動記汲漪瀾第二泉

罌粟花

落花不宜閨窖火強催迫扶頭夢未醒半開已狼籍不如種罌粟爛漫動千百中秋先下子閑壘不留隙清明微雨過碧苔抽幾尺枝重垂翠罌穎豎苦無力春風肯擡舉譁然忽開拆迎晨若相競脫帽爭自擲駢頭宛有約一呪齊頃刻盤盂外周遭羅綺中裝績小樣潛谿緋化工勞刻畫倚風強天斜逢時逞顏色唐突西家施捧心欲爭席易開還易落不自慚弱植長腰一囊米未可供烝漸致用良已虛稱名復何益邀賞祇在多矜寵不取格何年老梅根僵卧倚西壁先春纔數花獨立自傾國

感事

湖椿報道過潮浪一夕驚濤下海門行水已聞來薛冑填隄不見有王尊醜渠瓠子流難塞送棹桃花浪易渾東郡陸沈夷甫責不加盤劍是

君恩

游張氏園

不為幽尋出郭行渾忘風物逼清明數聲啼鳥銜春色一樹桃花隔世情烏石雲開山翠薄白田潮落海波清主人終歲斷葦跡借客登臨眺快晴

盧蘇香作無名樹說蓋以自況也為題其後

社櫟大蔽牛匠石徒見夢磊砢多節目器乃勝梁棟插塗鈎曲株執斤趨者眾森森千丈柏材大難為用香根辱螻蟻枳棘棲秦雲堂詩集卷十二

十三

鸞鳳莫測造化心青黃任搏控一篇無名樹言下有餘恫此樹勾萌初一溉誰抱甕不受雪霜厄合抱天所縱剪伐構凌雲密石加磨礱致之良不易迴首萬牛重青葱玉樹姿曾向甘泉種離離橘柚實猶充尚方貢矧此廊廟資詎等棄菲葑綢繆百年計安敢忘撥壅三復角弓詩殷勤為君誦

送林壽夫

彭年

秋部赴黔省其叔研樵慶章

同年

假期欲訪竹林遊襍被歸來已過秋萬里遠尋金筑路全家都上木蘭舟盤瓠板楯驚殊俗犵鳥蠻花動客愁聞道錦窠需妙遇五谿佳處莫淹留

春盡日作

誰惜流光唱渭城曉來啼殺後園鶯殘紅悄墮花留別眾綠齊喧雨送行心字衙香遙夜夢鬢絲禪榻此時情樊川老去爭禁

得芳草天涯處處生

梅

古園荒盡賸江梅步屐幽探日幾回數點香先殘臘動半枯花
向一邊開却如和靖詩中見不是羅浮夢裏來清絕更誰相料
理夜寒有鶴守蒼苔

送戩宜兄赴粵

西風吹客上河梁夜雨聲中暫對牀
苜蓿一官成瓠落苴麻萬里走榕鄉
袖間漫有禰衡刺囊裏曾無陸賈囊
絕域弟兄垂老別那能有淚不霑裳

曉入西園

曉行西園逕松陰覆高笠語圓如丸
拋落疑可拾百疇未肯休不知定何
急人生乘氣機貴賤各有執鼓盪劇
萬端長日苦泰雲堂詩集卷十二
不給及此夜氣存靜聽聊佇立

送姚石甫入都

罡風霄路偶遭迴十載聞量惜吏才
激浪初看過弱水撥雲重喜上強臺

御屏循續丹豪注驛埃嚴程赤轂催
南國棠陰猶蔽芾篠驂爭挽鄧侯來

得戩宜兄粵東書却寄

別兄半載餘不寄一紙書聞粵二千里
驛遽如比閭契濶費猜度箠卜連晨
晡檐牙噪乾誰尺素逢烹魚開械認
題識次第三面俱上言恥干謁不曳
鄒陽胡爲走萬里棘纒事馳驅四喪
在淺土安能忍須臾幸非垂橐還聊
復濟所需下言買三版指日尋歸途
出峽風浪險度嶺僕馬痛折梅倘相
憶聞獲定長吁

此塗我舊經，歷歷想船車。抽帆及到家，夏淺春已逾。綠知卸裝日，卽是負土初。爾足荒山中，食墨知何區。不煩卜紅桑，不用談青鳥。熒然一燈在，千載滕公居。恨我不臨穴，吹簫和歌虞。回首胡埭阡，拱木蔭四隅。蒼墓愧逸少，買山漸幼與。夢寐松楸間，何時賦歸與。元宮儻相近，同結瀧岡廬。

蟬聲

蟬聲如磬復如絃，已是涼風白露天。聽到斜陽嘶更急，鬢絲憔悴感流年。

山鷓鴣詞

綵鳳不合從家雞，山鷓鴣逐秋鴈。飛南枝花開，鴈北歸鷓鴣。比翼長參差，沙塞迢迢霜霧霏。水無菰米恆苦饑，徒懷南荔枝。伴侶稀，安能萬里不追隨。天鷺野鷺羣相欺，毛羽憔悴訴向誰。慈烏泰雲堂詩集卷十二

主

念汝守舊棲，天長地闊無見期。夜深啞啞不任啼，可憐鷓鴣畢命無由知。

海譚

萬艘轉粟上青天，封事盈廷議屢遷。未遭黃河迴砥柱，翻從碧澗駕樓船。塢流使者穿龍骨，國計司農算馬鞭。可惜燕齊千里沃，誰能舂鍤墾渠田。

喜雨和侯蓮山鐫韻

圭璧紛馳引咎深，慰懷誰是邑中黔。伐鼉有待停輪汎，書蠅方期洗沴禳。珠玉頓低平日價，籌車預愜望年心。醉漚却想歸田樂，把耒偕農擊壤吟。

登蘭中明遠樓

棘垣外嚴祕鎖，闈中靜深撤幕修。卷空耳目了無侵，務閑誰晤

語獨處曠招尋重樓切霄漢攀梯散幽襟縱目浩無際萬象羅
蕭森地絡從北來寸碧遞遙岑蜿支滙海曲升零結秋陰東偏
聳丹崖九仙跨鱷鱗西隅湛清沼歐冶鍛霜鐔旁薄立環拱韞
靈鍾國琛細懷此邦彥發藻歐薛林隄引迥自昔唱于徵在今
竊恥相靈瑟疎越清廟琴金奏識微旨柯亭逢賞心忝子襄茂
典翹接情欽欽奧區攬融結徵材貢瓊琳

八月十七夜闌中翫月

西樓隱馳暉鎖院暖初夕衆星粲已繁待月軒猶闌金飈蕩游
氛媧石湛凝碧飛轍上轉難坐候纖阿策綺權乍窈窕落徑紛
狼籍周達曠無陰連璫流浩白重闌藹沈沈文奏靜脈脈地蕭
罷鳴琴照移仍改席仰視素質升益覺清影隻桂枝方吐華蘆
灰潛載魄示冲日就損用晦遷無跡前宵廣寒游回首成夙昔

秦雲堂詩集

卷十一

十六

欲詠霓裳篇問訊鴻都客

贈齋座王有詩寄懷依韻寄答

靈籟朝來報好音開緘雒誦緬沖襟蘇仙環句聲鏘玉鳥佛熏
香願鑄金千里幸叨蠅附尾九臬情媿鶴鳴陰鱣堂預想重尋
日叢桂香餘菊徑深

喜雨

翔陽沸海蒸毒淫午歛鬱滯生層陰蕉梧荷芋并繁響金匏絲
竹非清音滋漉預想禾黍長清洽試汲瓜李沈碧天入夜靜如
洗悄然新月流衣襟

